

MAREKO

Mareko e Judanjic jaha wâc. Zâne-ticne moc Johane. Nenggoc-ticne zângene Maria, e Jerusalem haeo ñeje juju ewec (Aposolo 12:12). Mareko e Jesuzi mârengo juha manfun-ticnao mi juwecte micticnaonec miti mi manawec. Jesu e sambângko fehame kikefunfâcne jañerao zuhuckewec. Eme Paulo â Banaba jahe Antiokia haeonec miti kiñaj funkera rapic dameñ ira Marekozi bâjâpec-jofawec. Raku hata ombângko beheç-jofawec, jahe boc ra tâc rapire hâwîckeme Jerusalem haeo risiewec (Aposolo 13). Juku Paulozi miti kiñaj mocwâc raocte Banaba âzâcneme eki zîñuc muwec: Johane Mareko jowapere mâmâc ranzepeneñ. Eme Paulozi Marekore maname mi sâckewecte qataracnewec. Qataracneme Banaba e Mareko jowame wokeo ferâ Kipiro nucko miti kiñaj rapic, â Paulo e ine Silahec tiñhata rapic (Aposolo 15). Eme jufeku zâhec Paulozi Mareko mocwâc manacneme mâmâc jupic. Dameñ mocko Paulo e kâpâcwârû ficko ñehame Marekozi ra iqickewec (Kolosai 4). Erâ dameñ mocko kâpâcwârû fickoa ñehuc Paulozi Timoteo zîñuc qâreñkecnewec: mareko jowatec mâmâc warezepirec, e kiñaj sâcne qanareocmu (Timoteo II, 4:11). Zâhec Marekozi Petorohec jupañkewec. Ehuc ere mickonec Jesure dâñ binaj manawec i qâreñke-fârewec. Irec zîñuc muzu: Papia i Marekoraonec â miti binaj i Petororaonec. Mareko e papia-ticne Paulo â Petoro jahe hâmhapiñe qâreñkewec. Erâ eki Jesure Biñebiañ funkerâ qâreñkeme Mataio, Luka â Johane jañe zâhec qâreñkembiñ. Â Jerusalem hae ine ñeha qâreñkewec. Qâreñkerâ Roma haeo miti ñic ñokac jumbiñ jañerao râeme rawec.

Dameñ ira Roma haeo qâpuckonec opâ ruac bocjahazi Jesure kikefun erâ jumbiñ. Eme jañe, Jesu e Anuture Ñokâ jâmbâñ, i mana zakieningte Mareko e Jesuzi mâsi sâko bawec â miti tâpirihec muwec, erâ bawe jâpec-jopame dâñticne reñkehuc ñicmañkonec waha wisembiñ, binaj iñucne bocjaha bâwosâerâ qâreñke-jarewec. Jesu qie-ticnao wiac fuawec irec binaj Marekora basangopeneñ. Binañ-ticne funkekac ine Johane Miti Opâ fufunke eki hata bâzâweme Jesuzi gie-ticne funkewec irec dâñzi micne bakac. Eme Jesu e gie-ticne bahuc miti muwec â mâsi bawec irec binagne fofeku gañ 10 ira fisikac. Â Jesu e Jerusalem haeo ferâ ira juku maripongko hâmowec'erâ hâmockonec faharewec irec binaj sasawa i gañ 11-16 ira fofârekac. Marekora binaj honengopeneñ i gâcne Mataiora honekicne jaha, gâcne Lukahec wirec-jekic, â gâcne ine ñic jahec â moc mâmâc-ñeñic ekac. Erâ jahe bâzorahuc qâreñkepic, â Marekozi ine bâmbembengkehuc râewec.

Papia mannao gañne gañne dâñ nenggocne kecziñuc râe rakicne:

Gañ 1. Johane Miti Opâ fufunke ere binaj, â Jesuzi gie-ticne funkewec.

Gañ 2:1 - gañ 3:6. Jesu â Judanjic jañe mu qaqatarac embiñ.

Gañ 3:7 - gañ 8:26. Jesu e Galilaia mârengo â mâreñ rârec rârec mâsi fugne fugne bahuc miti muwec.

Gañ 8:27 - gañ 10:45. Jesu e motecfâcne zâic â hâmoc-ticnere biñedâñ jazawec.

Gañ 10:46 - gañ 13. Jesu e Jerusalem haeo ferâ gie-ticne bataraewec.

Gañ 14-15. Jesu zâic mamana â hâmoc-ticnere binaj.

Gañ 16. Jesu e hâmockonec faharewec irec binaj.

Johanere dân binañ

(Mat 3: 1-12; Luk 3: 1-9, 15-17; Joh 1: 19-28)

- 1** Jesu Kristo, Anuture ðokâ, ere Biñebian funkerâ fuawec irec dân.
² Porofete Jesajazi dân kecziñuc qârenkewec fokac:
 "Manakic, no kiñanñic-nane sorepe
 eki bânîe-garehuc hata bagarezejec.
³ Mâreñ tuhuc wiwira moc fuakac:
 Wofunte hata bâzâweniñ,
 hata-ticne hepie wânênkeoc."

⁴ Dân irec sâcko Johane Miti Opâ fufunkezi mâreñ burocnao fua tâcnerâ, manñejic bârisierâ Miti Opâ ruapie sâqocne-jeñic tâmireocte jazawec.
⁵ Eme Judaia mâreñko â Jerusalem hæoñ ñic jumbiñ jañe hegarackerâ erao rarâ sâqocne-jeñic mufuapie Jordañko opâ rua-jarewec. ⁶ Johane eki ine ñaçi moc kamele kanzarnezi bakicne i rojuwec erâ becsahac moc ombân-nao jomawec. Nânâ-ticne ine qâuc bisirec â banac nâhuc juwec. ⁷ Miti ine kecziñuc muwec: "Râpefun-naneo warehuc jukac, e tâpîri sâc moc focnek-ac, e sâko no iñucnezi mafahe decnepe mi sâckeocmu. ⁸ No opâ rua-ñareekopac, eki ine Tiri Mâro rua-ñareocmu."

Jesu Miti Opâ ruame Satanzi esâickewec

(Mat 3: 13-17; Luk 3: 21-22; Joh 1: 31-34)

⁹ Eme dameñ ira wiac kecziñuc fuawec: Jesu Nazarete hæonec Galilaia mâreñkonec ware. fisime Johanezi Jordañko opâ ruacnewec. ¹⁰ Eme opâonec wefu wefuhuc mi wiac kecziñuc honezejec i: Sambân anñkeme Mâro e hapâ iñucne Jesurao wahawec. ¹¹ Ehame sambânkonec dân moc ziñuc fuawec: "Go joroc ðokâ bîan-nane, go hone anñac egareekopac."
¹² Eme izia Mârozi ecneme mâreñ burocnao rawec. ¹³ Rarâ ira ñafe 30añ 40 juhame Satanzi esâickewec. E kâte qowi jañere ñondenko juhame anelo jañe kime dopêc ecnembiñ.

Jesuzi gie-ticne funkerâ motec rocjopawec

(Mat 4: 12-22; Luk 4: 14-15; 5: 1-11)

¹⁴ Eme Johane kâpâcwârû ficko râepie fohame Jesu e Galilaia mâreñko fisirâ Anuture uucmañ irec Biñebian mufuahuc kecziñuc jazawec:
¹⁵ "Dameñ maickekac, Anuture uucmanzi iqic-ñopakac. Ireñ manñejic bârisierâ Biñebian i ro mañ enzeñpiñ."
¹⁶ Jukû Jesuzi Galilaia riqic qacne rahuc Simoñ â qaticne Anderea honec-jofawec. Jahe riqicko wasañ-jekic behehuc domapic. Jahe qowi gie bapa ñic hâcne. ¹⁷ Eme Jesuzi ziñuc jasawec: "Ware no bâjâpecnunic, eme ñicko gie bapa bacñofapemu." ¹⁸ Mume izia wasañ-jekic beherâ e bâjâpepic.
¹⁹ Eme Jesuzi piticne rarâ Jakobo, Ñebedaïore ñokâ, â qaticne Johane bâfuac-jofawec. Jahe wokeo ñehuc wasañ-jekic zâficke bâpiñ ehapiñe honec-jofarâ izia ²⁰ wira-jacteme manarâ mamac-jekic Ñebedaïo â gienjic wokeo ñehapie beheç-joparâ bâjâpepic.

1:2 Mat 3:1; Mat 11:10; Joh 3:28 1:3 Jes 40:3 1:6 ñic II, 1:8; Ñek 13:4 1:7 Apo 13:25
 1:9 Luk 2:51 1:11 Mar 9:7; Mi Mâ 2:7; Jes 42:1 1:13 Mi Mâ 91:13; Joh. 1:51 1:15 Gal 4:4
 1:17 Mat 13:47

Jesuzi Kafanaum haeo gie bawec

(Luk 4: 31-37)

²¹ Eme jage Kafanaum haeo rambij. Eme sabata homban maickeme Jesuzi mitificko ferâ miti jazawec. ²² Jazame njic jage miti mumu-ticnere manapie fefene jâmbân ewec. E runezi miti bâutuckehuc jazawec, miti qaqazu jâgere mumu i mi muwec. ²³ Eme damen ijaha mitific-jenjicko njic demognehec moc gewec, eki owackerâ zinguc muwec: ²⁴ "Jesu Nazarete haeonec, go nâgere jujuo wemote warekic? Go sipiric-nâpocmurâ warekomec me? No zânjitacugopac, go Anuture Tirigic." ²⁵ Eme Jesuzi dân wacknerâ muwec, "Go ninjkerâ njickonec wefu rac." ²⁶ Mume demonzi njic ba bâsuec ecnehuc owa kâcne owackerâ wefu rawec. ²⁷ Eme njic jage bipic-jenjic taramen nazaŋ gazaŋ erâ mumbij, "Hâc, i wemo wiac, i miti fuŋ-moc, tâpiri sâkohec. Demon dân jazame igucnezi wâc micne renŋen-gopien." ²⁸ Eme bige-ticne biac jaha haŋ barâ Galilaia mâren sâcke-fârewec.

Jesuzi huc zâichec bâmâten-jopawec

(Mat 8: 14-17; Luk 4: 38-44)

²⁹ Eme izia mitifickonec waharâ Jakobo â Johane jahehec Simon â Anderea jahere ficko fembij. ³⁰ Eme ira Simon safen-ticne huc zocnehec bame fowec. Eme Jesu ficko feme biac âzâcnembij. ³¹ Âzâcnepie erao rarâ menao rorâ baharewec. Iguc ecneme izia hucticne beheme nânâ rike gumec ejarewec. ³² Eme zoan hume owâeme njic huc zâichec â demognec zengoma erao bacjopa warembij. ³³ Erâ hae rune mâmâc sasawa ficmotâc-kopac tumagne-fârembij. ³⁴ Eme eki njic bocjaha huc fuŋne fugnehec qiqic bacjopawec, erâ demon bocjaha jâpe-jarewec. Ehuc demon jage fuŋne-ticne manambijzi mutanijkenzippinge mic muac ejarewec.

³⁵ Eme hae mi fureha furic dadapâcte faharerâ hae beherâ mâren râricne mocko rarâ numuwec. ³⁶ Eme Simon â âgofâcne jage bâjâpe raku ³⁷ bâfuarâ âzâcnembij, "Njic jage basacgu-fârengopien." ³⁸ Mupie zinguc jazawec: "Nâgâc hae rârec rârec nerakac sâc ranzepeneŋ wâc. Ehuc miti jazazepac. No gie i hâcne bapemurâ warepac." ³⁹ Eme Galilaia mâren fotâcne rac warec ehuc mitificne ficne mita jazahuc juwec â demon jâpe-jarehuc juwec.

Njic moc wicsanah-ticne bâsomlewec

(Mat 8: 2-4; Luk 5: 12-16)

⁴⁰ Eme njic wicsanahhec moczi erao rarâ dienzi hecnerâ wâsickehuc muwec, "Go bâsomiecnuzo murâ sâcne bâsomiecnucmu." ⁴¹ Mume Jesuzi ere bune sâqoreme meticne sicnerâ njic bâuahuc âzâcnewec, "Mana-garekopacte fâsâec." ⁴² Iguc âzâcneme izia wicticne somieme sahacne biankewec. ⁴³ Eme Jesuzi njic acmâc sorerâ dân fâfâcnehec ecnehuc zinguc muwec: ⁴⁴ "Manakic, go irec dân binan njic moc mi jazazemec. Go zingucia taha baparao rarâ sahacge jâutuzemec, erâ fâsâekomec irec bâzi Mosere midânge sâc riketec fuŋne fuŋne mana taranzepien." ⁴⁵ Eme njic e rarâ dân mume mi qarenko razejec. Eme irec Jesu e hae kâcnenao tâtâc raocce maname qunŋkewecte hae herâricnao sawa juwec. Eme ira sifu njic rârec rârec qiq qururungko fisihuc domambij.

Jesuzi njic zeke purij moc bâpiankwec

(Mat 9: 1-8; Luk 5: 17-26)

2 Jesu e juku mocwâc Kafanaum haeo rarâ fic mocko feme hae rune jaje biac manarâ ²bocjahazi ere hae 3onao tumagnerâ fusucmarâ ficmotâc mâmâc gebâzickehapi miti jazawec. ³Ehame njic 4-zi zeke purij moc erao reŋke fisimbij. ⁴Ehuc maŋfugnao râenigte njicguruo hetakirerâ ficbupuo ferâ Jesure qizec botânko bupu bâropiepie hawecne fuame ira njic zeke purij kanzehec râepie wahawec. ⁵Ijuc epie Jesuzi mamasanij-



Njic zeke purij kanzehec râepie wahawec

-jenicte fuŋne hone manac erâ njic zeke purij 3ijuc âzâcnewec: "Motec-mae, sâqocnege bâtâmire-garekicne." ⁶Eme miti qaqazu tucne ira ŋembij jaje maŋjeniczi 3ijuc manasumbij: ⁷"Hâc, njic keci e wemo dâŋ mukac? E Anutu âkehockekac i! Mo njiczi sâqocne mutâmireekac, i Anutuzi buc eekac i!" ⁸Ijuc manasupie Jesu e maŋticnezi mana tara-jarerâ jazawec, "Maŋjeniczi wemocte dâŋ ijucne manasunggopien? ⁹Wenimoizi afecne, gic

zeke purij zīguc âzâcnezo: 'Sâqocnege bătămire-garekicne' me zīguc âzâcnezo: 'Fahare fofoge hâporâ rac'? ¹⁰ Ŋic Fâri Wâtugne e mâreᅅko sâqocne bătămireocte tâpiri focnekac irec fuᅅne hone taraniᅅ!" Iguc murâ ᅅic zeke purij zīguc âzâcnewec: ¹¹ "No gazakopac, fahare fofoge ameckerâ figcao rac." ¹² Mume izia zâᅅe mai-jericko fofot-cicne ameckerâ rawec. Eme ᅅic jaᅅe hone warec erâ Anutu mucne bacnehuc mumbiᅅ, "Wiac zâᅅe furu jâmbân-nâᅅec fuame honengopeneᅅ."

Jesu e sâqocne bapa iqic-jopawec

(Mat 9: 9-13; Luk 5: 27-32)

¹³ Jesu e iguc erâ mocwâc riᅅic mongeᅅko huwec. Hume ᅅic māmâc sasawa bājâpepie miti jazawec. ¹⁴ Eme irecnec raku Lewi Alifaiore ᅅokâ moneᅅfic-ticnao ᅅehame âzâcnerâ muwec, "Ware bājâpecnuc." Mume faharerâ bājâpewec. ¹⁵ Erâ Jesu hefâreme ficticnao ferâ ᅅehame takesi roro â sâqocne bapa bocjaha fisirâ Jesu â motecfâcne jajeᅅec nânâ māmâc nâmbiᅅ. Ŋic igucne bocjahazi Jesu bājâpembini irec. ¹⁶ Eme farisaio jaᅅere guruonec miti qaqazu tucne jaᅅe Jesu e takesi roro â sâqocne bapa jajeᅅec ᅅehuc nânâ nâme honerâ motecfâcne zīguc jazambiᅅ: "Hâc, e wemocte takesi roro â sâqocne bapa jajeᅅec ᅅehuc nânâ nakac?" ¹⁷ Mupie Jesuzi manarâ jazawec, "Qiqicne jaᅅe doktare mi muengopieᅅ, huchec jaᅅe ine muengopieᅅ. No ᅅic tiᅅne hefârec-jopazore mâcne, sâqocne bapa hefârec-jopazore wahapo."

Jesu sowa jujure wiocnembini

(Mat 9: 14-17; Luk 5: 33-38)

¹⁸ Johanere motecfâc â farisaio jaᅅe dameᅅ ira nânâ sowa jumbiᅅ. Eme ᅅic tucne jaᅅe Jesurao rarâ zīguc muhuc wiocnembini: "Johanere motecfâc â farisaio jaᅅere motecfâc jaᅅe nânâ sowa juhapie gahacne motecfâc jaᅅe wemocte sowa tâmiric juengopieᅅ?" ¹⁹ Wiocnepie Jesuzi jazawec, "Ŋicwofuᅅ e kikefuᅅfâc-ticne jajeᅅec juhame busâqoc erâ sowa juniᅅmu me? Aricne, ᅅicwofuᅅ-jeᅅicᅅec juhuc wemocko sowa juniᅅmu." ²⁰ Juku ᅅicwofuᅅ jowac ropie basahuc busâqoc erâ sowa juniᅅmu. ²¹ Nâᅅâc ᅅaqi ranqane suckekicnao qoruc susuc qâricne mi râerâ qâtâengopeneᅅ. Iguc epene muzac, qâricnezi ranqane fâreme tâcneme hawecne kâcqene sâko fuazac. ²² Erâ wâc waiᅅ opâ qâricne zopo ranqanao mi qongᅅikepene huekac. Iguc epene muzac, waiᅅzi zopo âte fâuckeme waiᅅ mecne zopo mecne māmâc sipirickezapic. Irece waiᅅ qâricnezi zopo qâricnao hume sâckeocmu."

Sabata hombaᅅte dâᅅ

(Mat 12: 1-8; Luk 6: 1-5)

²³ Sabata hombaᅅ mocko Jesu â motecfâc-ticne jaᅅe padi gie ᅅondenᅅko rambiᅅ. Rahuc motecfâc-ticne jaᅅe fârine moc moc fuᅅkerâ mezi bătâcnembini. ²⁴ Epie farisaio jaᅅe Jesu zīguc âzâcnembini: "Honec, jaᅅe sabata hombaᅅko wiac mi eene engopieᅅ i!" ²⁵ Eme Jesuzi jazawec, "Dawidi â ᅅicfâc-ticne nânâre hâmoᅅuc wiac embini i ᅅoᅅe wose manac mi eengopieᅅ me?" ²⁶ E Abiatazi taha bapa sâko juwec dameᅅ ira Anuture ufuᅅko ferâ

poroŋ Anuture biŋe rãekicne i roŋã nãhuc ɲicfãcne mãmãc jareme nãmbiŋ. Poroŋ i ɲic omane bãtãc bajarekicne, bãzi ririke micbuc-jegic, eme i sifu nãmbiŋ.” ²⁷ Iguc murã muwec, “Sabata hombaŋ i ɲicte erã fuawec, ɲiczi sabata hombaŋte erã mi fuawec. ²⁸ Eme ɲic Fãri Wãtugne e hombaŋ irec rune jukac wãc.”

Jesuzi sabata hombaŋko ɲic moc bãpiaŋkewec

(Mat 12: 9-14; Luk 6: 6-11)

3 Eme juku ɲic moc mene qaŋakicne mitificko ferã ɲehame Jesu e ijaha fewec. ² Feme jaŋe sabata hombaŋko ɲic bãpiaŋkeme honerã dãŋko rãeniŋte ruc bahuc ɲembiŋ. ³ Eme eki ɲic mene qaŋakicne ziŋuc âzãcnewec: “Fahare mai domac.” ⁴ Iguc murã ɲic wio-jarewec, “Hombaŋko wiac biaŋne me wiac sãqocne ezo, ɲic bãpiaŋ-jopazo me sipiric-jopazo?” Mume micnao mi rombiŋ. ⁵ Eme maŋsanaŋ-jegicte bunẽ sãqoreme mana gãpãrehuc risic forisic honec-joparã ɲic âzãnewec, “Mege fãre tiŋnec.” Mume ɲic e meticne fãre tiŋneme sanaŋkewec. ⁶ Eme farisaio jaŋe rarã izia Herodere ɲicfãc jagehec tumagnerã, weniguc erã qanaŋ, muhuc dãŋgie bambiŋ.

Mãreŋ sãc irec ɲic Jesurao fisi sãqorembiŋ

(Mat 12: 15-16; Luk 6: 17-19)

⁷ Eme Jesuzi motecfãcne rocjopame riqicko rapie Galilaia mãreŋkonec ɲic guru sãko jaŋe bãjãpec-jopambiŋ. Erã jaŋe sawa mãcne, Judaia mãreŋkonec ⁸ erã wãc Jerusalem haeonec â Idumaia mãreŋkonec â Jordã ocniguckonec. Erã Tiro Sidon mãreŋkonec ɲic guru dindiŋ jaŋe mãmãc Jesu mãsi bapa-ticnere biŋe manarã qãtu bãturerã fisimbiŋ. ⁹ Mãrec qãretec fisihuc gurinŋepie motecfãcne ziŋuc jazawec: “Woke moc ware mai jaha geoc.” ¹⁰ ɲic bocjaha bãpiaŋ-jopahuc juwec, irec huc wicheczi ere maŋ-fuŋko rarã bãuanĩte hehesuec â hehe qaŋac boc embiŋte wokere muwec hãcne. ¹¹ Eme demonheczi e honerã mãreŋko fodapehuc kãcŋene wirahuc mumbiŋ, “Go Anuture ɲokã hãcne.” ¹² Eme fuŋne-ticne mupie haŋ bazacte Jesuzi mic muac sanaŋe ejarewec.

Jesuzi motec 12 rocjopawec

(Mat 10: 1-4; Luk 6: 12-16)

¹³ Eme tiki mocko ferã maŋnezi manasu biric ejarewec ɲic i jaŋere mume erao tumagnembiŋ. ¹⁴ Iguc ehuc ɲic 12 ehac juniŋte motec bacjoparã ɲic miti jazaniŋte mujarewec ¹⁵ â demon jãpe-jareniŋte tãpiri rãe-jarewec. ¹⁶ ɲic 12 rocjopawec jaŋere zãŋe ziŋuc: Simon, zãŋe qãri-ticne Peto mucnewec, ¹⁷ erã Jakobo, Zebedaiore ɲokã, â Jakobo qaticne Johane, jahere zãŋe Boanerges muwec, nãŋãcne dãŋko Parandaŋ motec, ¹⁸ erã Anderea, Filipino, Batolomaio, Mataio, Toma, Jakobo Alifaiore ɲokã, erã Tadaio â Simon Zelote ¹⁹ â Juda Karioto haeonec, e juku Jesu doc bawec.

Jesure manapie qugkewec

(Mat 12: 24-32; Luk 11: 15-22; 12: 10)

²⁰ Eme Jesuzi ficko feme ñic guru sâkozi mocwâc ijaha tumagnepie e â motecfâcne jaje wemocko nânâ moc nanzapiñ. ²¹ Eme wiacfâc-ticne jaje biñe manarâ kecziñuc muhuc ronĩte rambiñ: "Magne sifuckekac."

²² Eme miti qaquazu Jerusalem haeonec fisimbij jaje ere zĩñuc mumbij: "Demoñ jajeñe ñicbombon Beezebulu eki magnao jume ere tâpirizi demoñ jâpe-jareekac." ²³ Mupie hefârec-joparâ dãn sunsugne zĩñuc jazawec: "Satanzi wenĩñuc erâ Satañ jâpeocmu? ²⁴ Mâreñ moc irec ñiczi fâuckerâ rârâsi kosa epie tuhu fuaocmu ²⁵ â hae moc irec ñiczi fâuckerâ rârâsi kosa epie hae tâtieocmu. ²⁶ Â Satanzĩ fâuckerâ Satañ qa jâpec ecnekacko sâcne mi sanan̄keocmu, e omaeocmu hâcne. ²⁷ Me mozi ñic momori moc ñeha ficticnao ferâ mafa jâoc roocmu? I aricne, ñic momori qanañ hâporâ me kikene qarâ ie mafa-ticne jâoc rozo. ²⁸ No jâmbomac ñazape: Sâqocne fuñne fuñne irec kiñ i bebehene fokac, â dãn simbiñne fuñne fuñne irec kiñ i wâc bebehene fokac. ²⁹ Â ñic moczi Tiri Mâro zaubac ecneocmu ere kiñ ine bebehene mi fokac, i aricne jâmbân, e kiñ tatarane tâmiric hotâckekac hâcne." ³⁰ Dãn i ere kecziñuc mumbiñte jazawec: "Mantĩcnao demoñ huwec jukac."

Jesure nengoc qafâc

(Mat 12: 46-50; Luk 8: 19-21)

³¹ Dãn iñuc jazahame nengoc qafâc-ticne fisirâ hae zongao domahuc jañerao wahaocte dãn mupie fewec. ³² Eme Jesu e ñicñondẽko ñehame zĩñuc âzâcnembiñ: "Nengoc qo qafâcge juwic domahuc hefârecgungopieñ." ³³ Mupie zĩñuc jazawec: "Nengoc qafâc-nane weni jaje?" ³⁴ Iñuc murâ ñic orânkerâ ñembiñ jañerao zãñe fihuc muwec, "Nengoc qafâc-nane zĩ. ³⁵ Anuture mic reñkeengopieñ jaje hâcne nengoc qo qafâc-nane."

Hândân titie dãn

(Mat 13: 1-23; Luk 8: 4-15)

4 Eme Jesuzi harierâ riqic monggenko hurâ miti funkerâ jaza qazuc ewec. Ehame ñic hâmbân sâko fisi erao tumagnepie woke mocko fewec. Eme ñic monggenko ñerahapie e jahacne riqicko woke faio ñehuc miti jazawec. ² Ehuc kesaicdãn fuñne fuñne jazahuc moc zĩñuc muwec: ³ "Ñazape mananiñ, ñic moczi wiac hândânne tieocte gieo rawec. ⁴ Rarâ tiehame hândân gâcnezi hatao waha hewec. Ehame wipezi fisirâ nâfârewec. ⁵ Hândânne gâcnezi qânâ siec, mâreñ bocjaha mi fowecko hewec. Ira mâreñ faisuc sawa fowectẽ bâpânne biac wefuwec. ⁶ Ehame zoan̄zi wefurâ qame gâtâne aricnere qañarâ hâmowec. ⁷ Â hândânne gâcnezi hofâ qinziñ ñondẽko hewec. Eme âkezume hofâ qinziñzi wefurâ hehâmome fârimâc ewec. ⁸ Â hândânne gâcnezi ine mâreñ guecko herâ âkezurâ fârine fua sawec ewec. Jâcne mocte hândânne 30, mocte 60, mocte 100, fârine iñuc fuawec." ⁹ Dãn i murâ zĩñuc mutarawec: "Hazeceñeczi dãn keczi manazejec."

Kesaic dânte fugne jazawec

¹⁰ Dîc gîac gâcne rafârepie e jahacne motecfâc â fugfufâc-ticne tucne jage dâŋ irec fugnere wiocnembîg. ¹¹ Wiocnepie muwec, "Anuture uucmaŋko raráire dâŋ sogne i ŋoge mananigte mukicne, â ŋic râpene juŋgopien jage ine dâŋ suŋsugne sawa mananigte mukicne. ¹² Jage zâŋe fiipiehuc wiac mi hone taranzipien â hazec-jeniczî mana-bipiehuc mi mana taranzipien â manjenic mi bârisiepie ine kiŋ fojarezejec." ¹³ Iguc murâ muwec, "Kesaic mupac irec fugne mi manangopien me? Eme kesaic dâŋ sasawa mupe weniguc mana taranigmu?"

¹⁴ "Dîc hândâŋ tieekac ine miti tieekac. ¹⁵ Hândâŋne hatao hewec sâc igucne junigmu jage miti manapie manjenicko hurâ fohame Satanŋi biac fisirâ manjenickonec ro bawiseekac. ¹⁶ Â hândâŋne qânâ siecko hewec sâc igucne junigmu jage miti manahuc izia aŋac-jopame maŋke junigmu. ¹⁷ Erâ manjenicko gâtâ mi bakicnere dameŋ bembegne mac bajunigmu. Izi mitire fific guguriŋ â zika kâpâcwârû fuame miti beherâ dockeniŋmu. ¹⁸ Â hândâŋne hofâ qinziŋko hewec sâc igucne jage miti mamana i mananigmu; ¹⁹ ehame ine mârenŋe wiac irec mamaŋ gugutuŋ ee â moneŋ mafa sâkore aŋac â wiac fugne fugnere sasec izi manjenicko hurâ miti hehâmome fârimâc eocmu. ²⁰ Â mârenŋe guecko hewec sâc igucne jage miti manarâ bajuhuc fârine bâfuaengopien, gâcnezi 30, gâcnezi 60, gâcnezi 100, fârine iguc bâfuaengopien."

Mitio juju bapare dâŋ

(Luk 8:16-18)

²¹ Dâŋ moc zuhuckerâ ziguc jazawec: "Mozi lambe ficmaŋko baferâ kuzizi hetutuckeocmu, me mozi ŋege rurumaŋko heocmu? Aricne, ŋege-ticnao hepene ŋehuc tamaeocmu. ²² Wiac sogsoŋ fokac i foku mi foocmu, i bataniŋkezo, â wiac hemackekicne fokac i foku mi foocmu, i qaratie-fârezo. ²³ Hazecneheczi dâŋ keczi manazejec." ²⁴ Iguc murâ muwec, "Dîc dânte ruc banzipien. Dîc wiac ehuc sâc bâfuanigmu, sâc ijaha risie-ŋareocmu, erâ i sawa mâcne, fehuc risie-ŋareocmu. ²⁵ Moc e wiac râcnekicne bajume kiqecnecezo, â moc e wiac râcnekicne mi bajume jâoc rozo."

Miti hândâŋ e bâpâŋnehec

²⁶ Jesuzi dâŋ moc kecziguc muwec: "Anuture miti hata irec fugne ziguc: Dîc moczi gieo wiac hândâŋne tieocmu. ²⁷ Erâ ŋafeo â zoaŋko ju foho ehame hândâŋ i âkezurâ wefuocmu, ŋic e fugne hone manac mi eha. ²⁸ Mârenŋe e jahac hândâŋ gume hesiwiŋ ecneme âkezume qanaŋ bâpâŋ wefuekac, izi rehacne heekac, izi fârine râeekac. ²⁹ Fârine wozeme qa roro eocmu, fâri roro dameŋ maickec hâcne."



Padi qa roro engopien

Miti e nemuja hândân iŋucne

(Mat 13: 31-32; Luk 13: 18-19)

³⁰ Dâng moc zuhuckerâ kecziŋuc muwec: “Anuture miti hata i wemo wiachec sâc hepe me wemo wiacko iticnerâ mupe? ³¹ I nemuja hândân iŋucne. Hândân i piticne, jâchândân gâcne irec wahamicne. ³² Erâ sifu, mârenko râepene fua sokac erâ wiac nâkicne gâcne jâururâ jâcsâko eekac. Ehuc tiegne heme sawa wipe jage fisi mumucnao sâcne herâ geengopien.”

³³ Jesu e kesaic dâŋ fuŋne fuŋne muhuc miŋi jaza jujec. Ehuc mamana-jegicte sâc jazawec. ³⁴ Â mutaniŋkerâ jajaza ine mi jaza jujec. Mâc motec-fâc-ticne jagehec bucko juhuc fuŋne mufuarâ jaza jujec.

Mângânzi Jesure mic reŋkewec

(Mat 8: 23-27; Luk 8: 22-25)

³⁵ Eme 30aŋ gie bapa ijaha hae owâeme motecfâcne ziŋuc jazawec: “Nângac riqic ocnîucnao razinaŋ.” ³⁶ Jazame jage ŋic guru sâko beheç-joparâ acmâc jaha wokeckerâ rambiŋ. Rapie woke gâcne bâbâjâpec rambiŋ. ³⁷ Rahapie mâŋân hâhâwicne fisirâ qame sirizi wokemaŋko hurâ fusezo ewec. ³⁸ Ehamc Jesu jahacne woke zâheçnao fofoo guŋ fowec. Eme motecfâcne jage wiwickerâ ziŋuc âzâcnembiŋ: “Qaqazu, riqicko huzo engopenenŋ irec mi mezacgukac me?” ³⁹ Mupie qârerâ mâŋân muackehuc riqic ziŋuc âzâcnewec: “Go niniŋkerâ foc.” Mume mâŋân niniŋkeme benonŋ fuawec. ⁴⁰ Eme motec ziŋuc jazawec: “Ŋoŋe wemocte hâwic sahac engopien, mamanaŋ-ŋeŋic moc mi fokac me?” ⁴¹ Eme jage bipic tatara ejareme nazaŋ gazaŋ erâ mumbiŋ, “E ŋic mo iŋucne, irec mâŋân â riqic jahe micne reŋkekopirec!”

Demonj jaŋe becmanko humbiŋ

(Mat 8: 28-34; Luk 8: 26-39)

5 Eme riŋic fotâcnerâ ocniŋucnao Gerasene mârenko fisimbiŋ. ²Fisipie tiŋko feme ŋic demonhehec moczi zâneruŋ gieonec warerâ bâfuawec. ³Ŋic e zâneruŋ gieo ju fofo ehuc momori eme me kikene muczi me kâpâc-wâruzi bânđeŋnepie mi sâckewec. ⁴Ŋic jaŋe damen sâc me kikene qapie muc hêtâc qâtâcne jujec â kâpâcwârû zâzâmu gie bakume hericke jujec. Eme ropie mâretec imac-jopame bâpiembîŋ. ⁵E ŋafe zoaŋ sâc zâneruŋ gieo â tiki tuhuc ju fofo ehuc owa sâko ehuc juwec â sahaŋe qânâzi qa sipiric ejujec. ⁶Eme ŋic eki hâcne Jesu taicko honerâ erao gasacke rarâ kikefuŋnao fodaperâ owackerâ muwec: ⁷“Jesu, Anutu sâkore Ŋokâ, go wenŋuc enarecmurâ warekomec? No Anuture maio gazakopac, go zâic gie mi narezemec.” ⁸Jesuzi “Demonj go ŋickonec wefu rac” mume iŋuc hâcne âzâcnewec. ⁹Eme Jesuzi wiocnerâ muwec, “Zâŋegê mo?” Wiocneme muwec, “No zâŋe-nane Gurusâko, nâŋe bocjahazi juŋgopenenŋ irec.” ¹⁰Murâ zoqac erâ numucnewec, “Nâŋe mârenj zi behenante mi jâpec-nâpomezec.” ¹¹Eme mârenj ira heânko becguŋ kâcŋene qondaŋko jumbiŋ. ¹²Eme demonj jaŋe Jesuzi mana-jareme becmanko huniŋte âzâcneembîŋ. ¹³Mupie Jesuzi mana-jareme demonj jaŋe ŋickonec wefurâ becmanko hupie bec jaŋe tapionec sururuerâ ra duŋ riŋic fowec ira huhuc hâmombîŋ. Bec afecne)mâcne, 2000 hâmombîŋ. ¹⁴Eme soŋaŋ jaŋe gasacke rarâ ŋic hae gie sâc jurambiŋ dâŋ binaŋ ejarembîŋ. Jazapie jaŋe wiac fuawec honeniŋte fisi-fârembiŋ. ¹⁵Jesurao fisirâ honembîŋ: Ŋic demonj guru sâkohehec juweczi maŋne wiŋkeme wamane â ŋaŋihec ŋewec. Iŋuc ŋeme honerâ me kirâ domambiŋ. ¹⁶Eme wiac hone manac embiŋzi ine ŋic demonhehec juwec ere binaŋ â bec jaŋere binaŋ mâmâc bajarembîŋ. ¹⁷Dâŋ i mana-fârerâ Jesu e hae mârenj-ŋenŋic beheocte numucneembîŋ.

¹⁸Eme Jesu e wokeo feme ŋic demonhehec juweczi bâjâpeocte numucnewec. ¹⁹Eki ine qataracnehuc ziŋuc âzâcnewec: “Go haegao rarâ wiacfâcge jaŋehec juhuc Wofuŋzi gorao mâsi sâko bahuc ehâmo-garekac irec biŋe ŋic jazazemec.” ²⁰Mume ŋic e rarâ, Jesuzi wiac ecnewec irec biŋe hae 10 ŋerawec mârenj ira jufarehuc ŋic jazame jaŋe manarâ secke-fârembiŋ.

Jesu e naru moc bâqârewec

(Mat 9: 18-26; Luk 8: 40-56)

²¹Eme Jesu e wokeo ferâ ziŋucpec ware fisirâ monŋenjo waharâ domahame biac ŋic mâretec fisirâ tumagnembîŋ. ²²Ehapie mitific soŋaŋ moc, zâŋene Jairo, eki fisirâ Jesu honerâ kikefuŋnao fodaperâ fotariecnehuc ²³ziŋuc numucnewec: “Otâ-nane hâmozo ekac, irec go warerâ megezi bâuarâ bâpianŋketec juzejec.” ²⁴Âzâcne mane manarâ rawec. Rahame ŋic guru sâko jaŋe bâjuŋ qâjuŋ ecneembîŋ.

²⁵Eme ŋondenj-ŋenŋicko ŋokac moc juwec eki soc rohuc juhame jara 12 ewec. ²⁶Eme dokta bocjahazi erao gie bâpiehapie zâic wemo afecne manahuc juwec. Â irec furi moneŋ mafa-ticne jarekume hesackewec. Eme sifu huŋticne mi afeckehuc mâc qârânkecnewec. ²⁷Eme ŋokac eki hâcne Jesure biŋe manarâ ŋic ŋokac gâcne jaŋere ŋondenjo juhuc râpefuŋnao

rarâ ñaqi-ticne bâuawec. ²⁸ I zinguc muhuc ewec: "Ñaqi-ticne sawa bâuarâ biangnuocmu." ²⁹ Bâuame izia socticne zickeme sahac-ticne bâgunuckeme manawec. ³⁰ Eme Jesu e tâpîri-ticne moc wahame manarâ forisierâ wiohuc muwec, "Ñaqi-nane mozi bâuakac?" ³¹ Mume motecfâcne jaje zinguc âzâcnembiñ: "Ñic jaje hejângângupie wemocte mukic, 'Mozi bâuacnukac?'" ³² Eme Jesu eki ine bâuawec e zâñitaocte hone wosâc ejarewec. ³³ Ñokac e ine sahac-ticnao mâsi fuawec i manarâ magne heme qarac qarac qahuc Jesure mangfunco fodapehuc funge-ticne mufuarâ âzâcnewec. ³⁴ Eme eki zinguc âzâcnewec: "Ñokac, mamasingere biangukac. Irec go buge mâteñ-keha ra qiqicne juzemec."

³⁵ Ñokac dân inguc âzâcnehuc domahame mitific soñante fickonec kiñan warerâ mumbiñ, "Otâge hâmokac, irec wemocte qaqazu manggân ecnetec raocmu." ³⁶ Eme Jesu e dân i mana-bipierâ soñan zinguc âzâcnewec: "Mi hâwicguoc, mâc manasignuc." ³⁷ Inguc murâ gâcne hecke-jarehuc Petoro, Jakobo â qaticne rocjopame rambiñ. ³⁸ Ra soñante ficko fisirâ, ñic ñokac jaje ojowa sâko â ki mamakuc epie hone manac ewec. ³⁹ Manarâ ficko ferâ ñic ñokac zinguc jazawec: "Ñonge wemocte kio songgân boc engopien? Naru e mi hâmojec, e mâc guñ fokac." ⁴⁰ Mume manarâ gâwiecnembiñ. Eme ejareme hufârepie naru nengoc mamac jahece â motecfâcne rocjopame naru fowecko razimbiñ. ⁴¹ Erâ naru menao rorâ muwec, "Talita kumi", nâñâcne dânko: Naru, gazape faharec. ⁴² Mume izia naru faharerâ rac warec ewec. Naru jara-ticne 12 bazuwec. Eme honerâ warecke sâqorembiñ. ⁴³ Eme eki ñic mi jazanigte mic muac sanagne ejarewec erâ naru nânâ râcnepie nâocte jazawec.

Nazarete haeoneczi Jesu qikiñnembiñ

(Mat 13: 53-58; Luk 4: 16-30)

6 Eme Jesu e hae mâreñ i beherâ haefun-ticnao rame motecfâcne bâjâpembî. ² Ra juhame sabata homban maickeme mitificko ferâ miti jazawec. Eme ñic bocjaha miti manahuc gembiñ jaje wareckehuc zinguc mumbiñ: "Wiac keci wenirec fuacnewec? Mamana sâko i mozi qazucnewec? Erâ wâc mâsi bapa sâko-ticne i mo ingucne! ³ E ficbapa ñic i, Mariare ñokâ, â Jakobo â Jose â Juda â Simoñ hahac-jegic hâcne, erâ senfâc-ticne nonden-nâñecko juengopien wâc." Inguc murâ qunkecnehuc mana pitiwambiñ. ⁴ Eme Jesuzi zinguc jazawec: "Porofete moc e zâñe biñe-ticne hae mâreñ gâcnao han bahame haefâcne â soctofafâcne â funfun-fâcne jaje ine qikiñneengopien." ⁵ Inguc jumbigte jagerao mâsi baocce qun-kewec. E mâc ñic huchec moc moc sawa mezi bâuac-jopahuc qiqicne bacjopawec. ⁶ Ehuc manjenic boc sakarembigte secke-jarewec. Eme hae râreckerâ ñerawec ira ra juhuc miti jaza qazuc ewec.

Motecfâc-ticne hae sâc miti munigte sorec-jopawec

(Mat 10: 1, 9-15; Luk 9: 1-6)

⁷ Eku motecfâcne 12 hefârec-joparâ jajahec jajahec sasawa miti munigte funkerâ sorec-jopawec. Ehuc demon jâpe-jarenigte tâpîri râe-jarerâ zinguc

jazawec: ⁸“Ŋoŋe wiac moc mi baranzepieŋ, gunu sawa, nânâ aricne, he aricne, moner aricne. ⁹Kikehuhu ine rojunzepieŋ, erâ ŋaqi maŋne sahaŋne misac, mocjaha hepie huzejec.” ¹⁰Ŋuc murâ zŋuc jazawec: “Hae mocko fisirâ fic fenŋmu ijaha nec foc eku waha ranzepieŋ. ¹¹Hae moc ira fisipie âgo mi eŋarehuc dâŋgenjic qikigŋepie râpec-joparâ kike-ŋeŋickonec gâc wândoc-jegic âteickepie wahame jaŋe fuŋne-ŋeŋic mananzepieŋ.” ¹²Ŋuc mume jaŋe rarâ ŋic maŋŋeŋic bârisienŋte miti jazambig. ¹³Ehuc demor bocjaha jâpe-jarembig â huchec bocjaha wâc wokemaŋ rua-farehuc qiqicne bacjopambig.

Herodezi mume Johane qambig

(Mat 14: 1-12; Luk 3: 19-20; 9: 7-9)

¹⁴Jesure bigedâŋ haŋ baraku ŋicwofuŋ Heroderao fisime manawec. Manarâ muwec, “Johane Miti Opâ fufuŋke e hâmockonec qâreweczî tâpiri sâkohec juŋac hâcne.” ¹⁵Ŋic gâcne jaŋe ine Jesure zŋuc mumbig: “E Elia.” Gâcnezi mumbig. “E porofete moc, porofete mimigne jaŋe igucne.” ¹⁶Herodezi ine manarâ muwec, “Aricne, Johane upene qâtâcnepo e hâcne qârewec juŋac.”

¹⁷Herode e mârâcko momori ejareme Johane rorâ kâpâcwâru bambig. Qanaŋ juwicnao Herodezi qaticne Filipo ere ŋonâŋ zâŋene Herodia jâoc rowec, ŋokac ere erâ Johane ŋuc ecnewec. ¹⁸Ine Johanezi Herode zŋuc âzâcnewecte: “Go qagere ŋonâŋ bameŋ i sâcmutâc qaqa ekac.” ¹⁹Ŋuc mume Herodia e Johane aaric manacnehuc qaocŋe maŋne kâcŋene domawec, erâ ine hata basawec. ²⁰Herode eki ine Johanere ŋic tiŋne â mitihec muhur araŋ bacnehuc ŋezickewec. Â micticnaonec dâŋ manarâ mangu qâŋguru ewec. Erâ sifu dâŋticne mana aŋac ewec. ²¹Eme juku wiac kecziŋuc fuawec: Herode e fufua damen-ticne maickeme kia sâkofâcne â momori soŋaŋ kâcŋene â Galilaia mâreŋkonec ŋic fekicne hetumaŋ-jopafârêrâ tiwâ zepec ejarewec. ²²Eme jaŋe tumagŋerâ nehapie Herodia otâ-ticne jaŋerao ferâ mai-ŋeŋicko gae wowec. Gae wome Herode â ŋicfâc-ticne jaŋe honerâ aŋac-jopawec. Eme Herodezi naru zŋuc âzâcnewec: “Go wiac irec me irec egareme mutec garepemu.” ²³Murâ Femicnere maio musanaŋkerâ muwec, “Wiac kosare mutec garepemu â mâreŋ-nanere mutec i wâc bâtâc barâ hifecne qikigne-garepemu.” ²⁴Eme naru e rarâ nengoc-ticne wiocnerâ muwec, “No wemo wiacte mupe?” Mume eki âzâcnewec, “Johane Miti Opâ fufuŋke qizec-ticnere muc.” ²⁵Eme naru e biac gasackerâ ŋicwofuŋtao rarâ muwec, “Go Johane Miti Opâ fufuŋke ere qizec zŋuczia râqâcko râerâ narec.” ²⁶Mume ŋicwofuŋ e bune bocjaha sâqorewec. Erâ Femicnere maio mupaŋkewecte â ŋic ŋembig jaŋerao dâŋ-ticne wahazacte manacnewec. ²⁷Ehuc biac jaha momori moc ra Johane qizec-ticne bareocŋe sorewec. Eme eki kâpâcwâru ficko rarâ Johane upene qâtâcnerâ ²⁸qizecne râqâcko râeme hume bafisi naru râcnewec. Râcneme naruzi nengoc-ticnerao barawec. ²⁹Eme Johane motecfâcne biŋe manarâ ra qâŋqâŋ-ticne rorâ duckembig.

Motec jaje risierâ Jesu dân binaj ecnembij

³⁰ Aposolo jaje hae mârenj jufârerâ risierâ Jesurao tumagnehuc wiac embij bambij â miti mumbij irec binaj sasawa bacnembij. ³¹ Bacne-fârepie zinguc jazawec: "Warepie tuhuc ranaj, ira piticne juhuc âke mâtenj-ŋopaoc." Ŋic wemo afecne zuzuhuczi zuzuhuc fisihuc ra, fisihuc ra, iguc ehuc domapie wemocko gemanahuc nânâ opâ nanzapij. ³² Eme jaje bucejic wokeo ferâ tuhuc rambij. ³³ Rahapie bocjahazi hone tarac-joparâ haene haene qaja fuserâ tiŋko biac gasackerâ bâbâni ra fisimbij.

Jesuzi ŋic 5000 nânâ gumec-jopawec

(Mat 14: 13-21; Luk 9: 11-17; Joh 6: 1-13)

³⁴ Eme Jesuzi wokeonec waharâ ŋic ŋokac guru sâko honec-joparâ, lama songaj tâmiric tinac jumbijte busâqoc mana-jarewec. Iguc honec-joparâ izia funkerâ mitire dân bocjaha jazawec. ³⁵ Ehamie qâqâtâc âkesue rame honerâ motecfâcne jaje erao rarâ mumbij, "Zi tuhuc juhapene qâqâtâc biac âkesue rakacte ³⁶ ŋic râec-jopatec hae ŋerakac ira rarâ nânâ furine ba nâc enzepienj." ³⁷ Mupie zinguc jazawec: "Ŋonge ŋajac moc gumec-jopanij me." Jazame mumbij, "Nâje rarâ 20 kina nânâ furine barâ ware gumec-jopananje mukomec me?" ³⁸ Eme eki jazawec, "Ŋajacne nânâ wezimuc fokac, ra honenij." Mume jaje ra honerâ âzâcnembij, "Poronj memoc â opâ qowi jajahec." ³⁹ Eme mume ŋic jaje birickerâ kecqanjo hatane hatane ŋerambij. ⁴⁰ Biri moc 100, biri moc 50 iguc ŋerambij. ⁴¹ Ŋefârepie poronj memoc â opâ qowi jajahec rorâ sambânko fime feha jambunjerâ bazurâ motecfâcne jareme jaje bârâwijnjerâ ŋic jarembij. Eme qowi bâtâc barâ jareme rorâ iguc jaha embij. ⁴² Eme jaje mâmâc sasawa nâ gapec embij. ⁴³ Ehamie poronj â qowi tiwâne ŋerawec i ropie hurâ sasac 12 fusewec. ⁴⁴ Nânâ nâmbij ŋic i jaje 5 tausenj.

Jesuzi riqic faio rawec

(Mat 14: 22-33; Joh 6: 16-21)

⁴⁵ Eme izia Jesuzi motecfâcne esoc-jopame wokeo ferâ ocniŋucpec Besaida haeopec bânierâ rambij, e jahacne ine ŋic ŋokac râec-jopaocte ŋewec. ⁴⁶ Ehuc mâzoc-joparâ nunumu gie baocte tikio fewec. ⁴⁷ Eme hae ŋafeme woke riqic zâzânjiko ra fisihome e gâmbun-ticne tiŋko juwec. ⁴⁸ Eme mângân rambijkonec warewecte woke foicke-bipiepie honec-joparâ ŋafe furec hehec-jekicko riqic âte âte raku janerao fisirâ jowaruzo ewec. ⁴⁹ Eme jaje riqic faio rame honerâ bawe warekac muhuc owackembij. ⁵⁰ Jaje mâmâc sasawa honerâ hâbi-ŋenij goronkewec. Iguc epie dân bac-jopahuc jazawec, "Bunjenic mâtenjkeoc, no nahac fâkopac, mi hâwic-ŋopaoc." ⁵¹ Iguc murâ woke-ŋenicko feme mângân niniŋkewec. Eme jaje manjenic omaeme niniŋkerâ gembij. ⁵² Ine nânâ gumec-jopawec irec funje kâuc bambijzi manbâzic jaha jumbij.

⁵³ Riqic fotâcne-fârerâ Genesarete mârenjo fisirâ anga behepie huwec. ⁵⁴ Eme wokeonec wahapie izia ŋic ŋokac jaje Jesu zânjitarâ ⁵⁵ hae sâc gasacke rarâ huhhec kanzeo râec-joparâ ira me ira juwecko manarâ bacjopa

fisimbiq. ⁵⁶ Eme hae kâcqene me piticne me fic boze fotâcnezo eme huchec bâfuac-joparâ tomao râec-joparâ âzâcnepie maname naqi-ticne qaqegne bâuambi. Eme bâuambi sâc bian-jopa-fârewec.

Miti sahacone sawa mi renkezo

(Mat 15: 1-20)

7 Eme farisaio â Jerusalem haeonec miti qaqazu gâcne fisirâ Jesurao tumagnembiq. ² Ehuc motecfâc-ticne jañeraonec tucnezi mejenic mi zuzure nânâ mâc ro nâc epie honec-jopambi. ³ Farisaio â Judanjic mâmâc sasawa mejenic zurerâ jaha nânâ nâengopie. I mimiñefâc-jeñic jañere mumutâc dâñ renkehuc iguc eengopie. ⁴ Erâ furi bapa tomaonec risierâ iguc jaha opâ rurua tâmiric nânâ mi ro nâc eengopie. Erâ sawa mâcne, kuzi, râqâc, oto gomba zuzure â wiac gâcnere mumutâc dâñ bajuengopie, i mimiñzi qâric ewarehuc jumbiq. ⁵ Irec farisaio â miti qaqazu jañe Jesu wiocnerâ mumbiq, "Motecfâcge jañe wemocte mimiñefâc-nâñec jañere mumutâc dâñ qâsuarâ mejenic mi zuzure wiac ro nâc eengopie?" ⁶ Mupie zinguc jazawec: "Jesajazi burencic ñogere hâcne findandâñ zinguc qârenke-hâmowec:

'Ñicguru zi jañe micbipiczi sâsecnuhuc manjeniczi ine qikiñuengopie.

⁷ Erâ dâñ fârinere okacne ñicdâñ mu qaqazuc ehuc no mai enarepie honepe racne eekac.'

⁸ Ñoñe Anuture sâcmutâc dâñ behepie wahaha ñicdâñ basanañkerâ bajuengopie." ⁹ Iguc murâ muwec, "Mimiñefâc-jeñic jañere mumutâc dâñ qame qongiq eniñte Anuture sâcmutâc dâñ qâqâsuare mâsi esaricke-engopie hâcne, ñoñe. ¹⁰ Mose e dâñ kecziñuc gaza mutâc ewec: 'Go nengoc mamac jahecge sâsec-jofazemec. Moc e nengoc mamac jahec-ticne mu surec ejacteocmuzi mi juzejec.' ¹¹ Ñoñe ine zinguc muengopie: Ñic moc e mamac-ticne me nengoc-ticne âzâcneocmu 'Wiac garehuc dopecguzapo i Anutu taha bacnepemu'; ¹² iguc âzâcneme ñoñe dâñticne basanañkehuc, nengoc mamac jahec-ticne jañe babajacte irec aka hec-neengopie. ¹³ Iguc ehuc Anuture dâñ igockepie raha nañacne dâñ mimiñzi qâric baju warekicne i hezakiepie foekac. Erâ i sawa mâcne, wiac tucnere ijaha eengopie."

Wiac nâkicnezi ñicman mi hegâpâreekac

¹⁴ Iguc murâ ñic mocwâc hefârec-jopame fisipie zinguc jazawec: "No dâñ nañape mâmâc sasawa manahuc mana taraniq: ¹⁵ Hobu-ñejicko wiac huekac izi mi hegâpârec-ñopaekac, manñejickonec wiac wefuekac izi ine hegâpârec-ñopaekac. [¹⁶ Hazecneheczi dâñ keczi manazejec.]" ¹⁷ Iguc murâ ñic beheç-joparâ ficko feme motec jañe dâñ sunsugne kecirec indikembiq. ¹⁸ Indikiepie jazawec, "Hâc, ñoñe iguc jaha man mamasu tâmiric juñgopie? Fune kecziñucte mi manangopie? Hobu-ñejicko wiac huekac izi wemocko hegâpârec-ñopaocmu! ¹⁹ Izi manñejicko mi fotâcneekac, i mâc hobu-ñejicko hume bâwosâeme hata-ticnao wahaekac." Jesu e iguc

muhuc nânâre dân mufâsâe-fârewec. ²⁰ Erâ moc zîguc muwec: "Maŋ-geŋickonec wiac wefuekac izi ine hegâpârec-ŋopaekac. ²¹ Ŋicmaŋkonec wiac kecziŋuc wefuekac: Mamanasu mamakâcne, sasac gie, fiuc, zika, ŋokac roc behec, ²² andac, sindaŋ hârindaŋ, eeatuc, nâareŋ, linguuŋ, maricmaŋ gâpâc dân mumu, penaroŋ, maŋmutuô. ²³ Wiac sâqocne wosekopac izi hâcne maŋgeŋickonec wefurâ hegâpârec-ŋopaekac."

Qâpuc ŋokac moczi Jesu wâsickewec

(Mat 15: 21-28)

²⁴ Jesu e hae mâreŋ i beherâ raku Tiro Sidon hae ŋepicko fisiwec. Fisirâ fic mocko ferâ gâcne jaŋe biŋe-ticne mi mananiŋte muwec. Erâ wemocko sonsoŋ juzac. ²⁵ Fisi fisiha izia ŋokac moczi biŋe-ticne manawec. E otâ macticne demonj moczi boc ecnewecte ware Jesu maŋfuŋnao fodapewec. ²⁶ Ŋokac e Griŋokac, Sirofoinikia hae mâreŋ irec rune. E otâ-ticne demonj jâpecneocte âzâcnewec. ²⁷ Âzâcneme Jesuzi zîguc muwec: "Naru motec jaŋe qanaŋ nâ gapec eniŋte mukicne. Irec jaŋe wemocko nânâ jowac rorâ qâto behe-jarezo." ²⁸ Mume ŋokaczi dân zîguc bâtikiecnawec: "Wofuŋ, i manakopac, erâ qâto jaŋe naru motec jaŋere teboonec nânâ hunŋaŋne wahame sifu mac nâengopien." ²⁹ Eme Jesuzi zîguc âzâcnewec: "Dâŋ iŋuc mukicte mana-garekopac, rac, demonji otâge behejec." ³⁰ Eme ŋokac e rarâ ficticnao fisirâ honewec: Otâ-ticne e demonji beheme fofoticnao ninigkerâ fowec.

Ŋic qepon nâŋgunj moc bâpiaŋkewec

³¹ Jesu e Tiro haeonec risierâ Sidon hae fotâcnerâ wareku Galilaia riŋickopec hae 10 gerawec ira fisiwec. ³² Ira fisihame ŋic qepon nâŋgunj moc erao jowa rarâ meticnezi bâuaocte numucnembiŋ. ³³ Numucnepie manarâ ŋic e râricne mocko râeme buc domame memotec-ticne hazecnao râerâ tâfeckerâ nameŋnao bawec. ³⁴ Erâ sambâŋko fime feha nokafe herâ muwec, "Efata", Kâtedâŋko: Uŋtoc. ³⁵ Mume hazecne uŋtowec â nameŋne forisieme dân biagne dânewec. ³⁶ Eme Jesu e biŋe i mi mufuanŋte mic muac ejarewec. Erâ ejare-biŋeme jaŋe zoqac erâ muromackembiŋ. ³⁷ Jaŋe warecke sâqorerâ zîguc mumbiŋ: "Wiac sasawa bame biaŋke-fâreekac, wiac gâcne bahuc qepon jaŋere hazec wâc bâuŋtoekac â nâŋgunj jaŋe dân bâfua-jareekac."

Jesuzi ŋic 4000 nânâ gumec-jopawec

(Mat 15: 32-39)

8 Dameŋ ira ŋic guru sâko Jesurao tumagnerâ nânâ tâmiric jupie motecfâcne hefârec-joparâ jazawec, ² "No ŋic jaŋere bunane sâqorekac, jaŋe norâo gafe zoaŋ jahec â moc juku nânâre hâmongopien. ³ Eme nânâ tâmiric hae-jeŋicko sorec-jopape hatao rahuc nânâre hâmo sipiric eniŋmu, gâcne jaŋe mâreŋ zorickonec warembiŋ." ⁴ Iŋuc mume motecfâcne jaŋe zîguc âzâcnembiŋ: "Mâreŋ tuhuo zira nânâ sâko wenirec bâfuarâ ŋic iŋucne gumec-jopapene sâcjopaocmu?" ⁵ Mupie wio-jarerâ muwec,

"Ñongerao poron wezimuc fokac?" Eme jaje mumbij, "Sewen." ⁶ Āzācnepie manarā mume ñic jaje qāzuckerā marenko waha ñepie poron 7 rorā dange murā bazuhuc motec jareme jaje bātāc barā ñic jarembij. ⁷ Erā opā qowi piicne jahec mac ñewec i ñuc jaha jambuñkerā mume ñic bātāc bajarembij. ⁸ Eme ñic jaje nārā gapec-jopawec. Erā marenko tiwāne ñerawec i sasac 7 ira ropie hurā fusucmawec. ⁹ Nānā nāmbij ñic i jajere zare 4 tausen. Nāpie sorec-jopame risiembij.

Farisaio ñic jajere uñ jazawec

(Mat 16: 1-12)

¹⁰ Ñic jaje rapie izia motecfācne jajehec wokeo ferā raku Dalimanuta marenko fisimbij. ¹¹ Ira juhapie farisaio ñic jaje Jesurao fisirā dāñzi jāñkerā sambāñko fuñne qaqa māsī moc mume fuame honeniñte mumbij. I esāickehuc āzācnembij. ¹² Āzācnepie zāire-jarehuc nokafe herā muwec, "Ñic ñucnezi fuñne weninucte fuñne qaqa māsire munggopien? No jāmbomac ñazape: Ñic ñucne fuñne qaqa māsī moc mi ñowatu-jāmbāñkepemu." ¹³ Ñuc murā beheç-joparā motecfācne rocjopame wokeo ferā riqic ocninucnao razimbij.

¹⁴ Eme motec jaje poronñte nīkec-jopame foha razimbij. Mocsākoa wokeo fowec. ¹⁵ Ehame uñdāñ zñuc muhuc jazawec: "Ñonge farisaio ā Herode hāmu goreñ-ñeñic bāec bacnehuc pañsawa juñzepien." ¹⁶ Jazame jañackoan nazañ gazañ erā mumbij, "I poronñte nīkec-nāpome foha wareñ-gopenenñte nāzākac." ¹⁷ Dāñ i muhapie hazec-ticnao hume manarā jazawec, "Poronñte nīkec-ñopajec irec wemocte muc manac enggopien? Ñonge fuñne mi mana taranggopien? Maññeñic moc mi uñtokac me? ¹⁸ Ñonge zāñe-ñeñic foipieñame wiac mi honeenggopien ā hazec-ñeñic foipieñame dāñ mi manaenggopien? Ñonge wiac hone manac ehuc ninīkecne juenggopien me? ¹⁹ No poron 5 bātāc barā ñic 5 tausen gumec-jopape tiwāne fome ropie sasac wezimuc hurā fusewec?" Wio-jareme mumbij: "12". ²⁰ "Ā poron 7 bātāc barā ñic 4 tausen gumec-jopape tiwāne fome ropie sasac wezimuc hurā fusewec?" Jaje mumbij: "7". ²¹ Mupie jazawec, "Eme mamana-ñeñic sifu mi fuakac me?"

Ñic tiñtuñ moc zāñe fifi bawec

²² Eme raku Besaida haeo fisipie ñic tiñtuñ moc Jesurao bawarerā mezi bāuaocte āzācnembij. ²³ Āzācnepie ñic tiñtuñ menao rorā hae rāpeo bahurā zāñe-ticne tāfec ruacnerā mene qizecnao rāehuc wiocnewec, "Wiac moc honekomec?" ²⁴ Eme tiñtuñzi zāñe firā muwec, "No ñic honec-jopape jāc hawari tinac erā rac warec enggopien." ²⁵ Ñuc mume Jesu e menezī zāñene bāuame ñic e zāñene biankeme fiqaqackerā bembenke ā zoricko wiac sasawa hone-hāmowec. ²⁶ Eme Jesuzi sorehuc zñuc āzācnewec: "Go haeo mi fehuc māt figgao rac."

Petorozi Jesure funge mutanikewec

(Mat 16: 13-20; Luk 9: 18-21)

²⁷ Jesu e motecfâcne rocjopame Kaisarea hae, njcwofun Filipinoz mume bambin, irec hae pitic gerawecko rambin. Hatao rahuc Jesuzi motecfâcne indin-joparâ muwec, "Ŋic jage nore mo mungopien?" ²⁸ Indin-jopame zinguc âzâcnembi: "Johane Miti Opâ fufunke, â gâcne jage Elia, â gâcnezi ine porofete moc, gore inguc mungopien." ²⁹ Mupie esâic-joparâ muwec, "Â ngacne ine nore mo mungopien?" Eme Petorozi zinguc âzâcnewec: "Go Kristo hâcne." ³⁰ Inguc mume njc gâcne mi mufua-jarenigte mic muac sanagne ejarewec.

Jesu e hâmoocce binedân mufua-jarewec

(Mat 16: 21-27; Luk 9: 22-26)

³¹ Eme damen ira funkerâ dâŋ zinguc mufua-jarewec: "Ŋic Fâri Wâtugnezi juku zâic sereren manaocmu, â soŋaŋ â taha bapa micne â miti qaquzu jage e beherâ qa imac ecneku qapie hâmorâ zoan jahec â moc eha fahareocmu." ³² Dâŋ i mutaninkerâ jazawec. Jazame Petorozi bucko hefârerâ qataracnehuc dâŋ funkerâ âzâcnewec. ³⁵ Âzâcneme fotikierâ motec janerao zâŋe fihuc Petoro mu tutuc ecnerâ muwec, "Sataŋ go râriec, go dâŋ maŋkekic i Anuture dâŋ mâcne, i njcdâŋ."

Jesu bâbâjâpere dâŋ

³⁴ Jesu e njc guru sâko jumbin jage â motecfâc-ticne hefârec-joparâ zinguc jazawec: "Ŋic moczi no bâjâpecnuzo murâ maŋ saha-ticnere dâŋ râpeckehuc maripon-ticne hâporâ bâjâpecnuzejec. ³⁵ Moc e juju-ticne sakareme sifuckecneocmu â moc e nore erâ â Biebianŋte erâ qikigneme fuacneocmu. ³⁶ Moc e mârenŋte wiac sasawa hure-fâreku kinduŋ bânduŋ bajuame juju-ticne omaeme wemo wiac fârine focneocmu? ³⁷ Me juju-ticnere kiwiric wemo wiac rome risiecnecmu? ³⁸ Moc e njcguru miti qiqikin â hehesicne zi jageŋe gondenko juhuc no nahacnere me miti-nanere maname mimi gangagnehec eocmu, ere Ŋic Fâri Wâtugnezi inguc jaha Mamac-ticnere sambân tatamachec â tiri agelo jagehec fisirâ maname mimi gangagnehec eocmu."

Jesu e sambân hawari ewec

(Mat 17: 1-13; Luk 9: 28-36)

9 Inguc murâ zinguc jazawec: "No jâmbomac ngaze: Domangopien zi ŋoneraonec gâcne hâmoczi mi bâqin-ŋopaha Anuture Wofun qârenzi tâpirinehec fua tanikeme honenzongopien."

² Jesu e zoan gie bapa 6 juku Petoro, Jakobo â Johane rocjopame tiki tuhuo fembin. Eme ira zâŋe mai-jenicko domahuc funmoc ewec. ³ Ehame ngâ-ticne tamaerâ qaqa taenŋe jâmbân ewec, njczi ingucne mi bapane. ⁴ Eme Mose â Elia ijaha mai fua-jarerâ Jesuhec dâŋ muc manac embin. ⁵ Ehapie Petorozi Jesu dâŋ zinguc âzâcnewec: "Qaquzu, sowine zira juŋ-gopenen. Irece boze jahec â moc banarenan, gore moc, Mosere moc, Eliare

moc.” ⁸ Motec jaŋe me kike tatara embiŋ, ehuc dâŋ kosa muwec. ⁷ Iŋuc ehapie karorac moczi waharâ sâoc-jopawec. Eme karorac maŋkonec dâŋ kecziŋuc fuawec: “Keci joroc ŋokâ bian-nane, ŋoŋe dâŋticne manan-ze pieŋ.” ⁸ Dâŋ i manarâ izia rârec rârec firâ mi Jesu sawa jaŋerao domame honenze pieŋ i.

⁹ Eme tikionec wahahuctecne Jesuzi ziŋuc jazawec: “Wiac honembieŋ irec dâŋ biŋe ŋic mi jajaza juhapie ŋic Fâri Wâtugne e hâmockonec faharezejec.” ¹⁰ Jazame motec jaŋe dâŋ i maŋkehuc ziŋuc manasumbiŋ: Hâmockonec fafahare i wemo dâŋ? ¹¹ Erâ Jesu wiocnerâ mumbiŋ, “Elia qanaŋ fisiocmu, miti qaqaŋu jaŋe dâŋ iŋuc wemocte muenggopieŋ?” ¹² Wiocnepie jazawec, “Elia e jâmbomac qanaŋ fisirâ wiac bâtâcne bâtimug eocmu. Erâ ŋic Fâri Wâtugne e ima barâ bâsueniŋmu, ere iŋuc qâreŋ-kekiecne i fugne weniguc?” ¹³ Eliare ine ziŋuc ŋazakopac: E biac fisirâ juhame jaŋe wiac kosa ecnembieŋ. Miti papiao ere qâreŋkekiecne iŋuc hâcne ecnembieŋ.”

Motec jaŋe demonŋ moc jâpeniŋte eipiembieŋ

(Mat 17: 14-21; Luk 9: 37-42)

¹⁴ Tikionec waha-fârerâ motec gâcne jaŋerao fisirâ honembieŋ: ŋic mâretec orâŋ-joparâ domahapie miti qaqaŋu tucne motec jaŋehac mu qaqatarac embiŋ. ¹⁵ Eme ŋic sasawa jaŋe Jesu honerâ izia fâfârerâ ra bâfuarâ mu zeri ecnembieŋ. ¹⁶ Eme eki wio-jarewec, “Wemo wiacte mu qaqatarac engopieŋ?” ¹⁷ Mume ŋic jaŋeraonec moczi fuarâ ziŋuc âzâcnewec: “Qaqaŋu, ŋokâ-nane demonŋ nâŋguŋnezi ecneme gorao bawarekopac. ¹⁸ Motec e demonzi dameŋ sâc rorâ ba suriŋ ecneme mic sofororocne wefume mic kikihotac kihuc me kikene rângeŋkeekac. Eme motecfâcge jaŋe jâpecneniŋte jazape eipiembieŋ.” ¹⁹ Mume Jesuzi ziŋuc jazawec: “O ŋic mamasasiŋ tâmiric ŋoŋe, no ŋoŋehac hati jurâ ju ehuc âsi qataŋ egarepemu me? Motec norao bawarenieŋ.” ²⁰ Mume motec erao barapie demonzi Jesu honerâ motec rârec bârârec ecneme me kikene jâjâwâckeme mâreŋko qarâ risimbigne qahuc fome mic sofororocne wefuwec. ²¹ Eme Jesuzi motec mamac-ticne wiocnerâ muwec, “Wiac i wezimucne fuacnewec?” Mume ŋiczi ziŋuc âzâcnewec: “I qieoa fuacnewec. ²² Demonŋ e motec sipirickeocte wemo afecne zocko â opâo tuŋkeme huhuc domaekac. Go ine tâpiri fogarekacko nâhere buge sâqoreme bafic-nâfoc.” ²³ Iŋuc muhuc wâsickeme Jesuzi ziŋuc âzâcnewec: “Tâpirire mukicte mupe manac, moc e mamasasiŋhec juocmuo wiac sasawa eene efâreocmu.” ²⁴ Âzâcneme izia motecte mamaczi kâcqene wirahuc muwec, “No manasiŋgukopac, go gahac mamasasiŋ-nane gegeg dodocne basanaŋke-narec!” ²⁵ Eme ŋic mâretec fisi sâqorehuc domapie honec-joparâ demonŋ jâpehuc muwec, “Demonŋ qepoŋ nâŋguŋne go gazape, wefurâ wiserâ rac, erâ mocwâc mi risie ware huzemec!” ²⁶ Mume demonzi kâcqene owackehuc motec heunuckerâ âte tuŋkeme qarâ hâmocne tinac fowec. Fohame ŋic jaŋe honerâ mumbiŋ, “Hâmo-jâmbâŋkejeç.” ²⁷ Iŋuc muhapie Jesuzi motec menao rorâ bafahareme domawec. ²⁸ Eme Jesu e ficko feme motec jaŋe bucko

wiocnerâ mumbij, "Nâŋe wemocte jâpenante epiembeney?" ²⁸ Mupie jazawec, "Demoŋ iŋucne jaŋe wiac moczi mâcne, mâc nunumuzi jâpec-jopazo."

Jesu e hâmoocete biŋedân jazahame jajahec ewec

(Mat 17: 22-23; Luk 9: 43-45)

³⁰ Eme jaŋe hae mâreŋ i beherâ Galilaia mâreŋ fotâcnerâ rambij. Ine ŋic jaŋe biŋe-ticne mananzipinŋe kamierâ rambij. ³¹ Rahuc motecfâcne zinguc hâcne muhuc jaza qazuc ewec: "Ŋic Fâri Wâtugne e ŋic jaŋere meo feme qapie hâmorâ zoaŋ giê bapa jahec â moc eha fahareocmu." ³² Iŋuc muhuc jazame dâŋticne kâuc barâ indinŋeninŋe memengaruc embij.

Micne jujure dâŋ

(Mat 18: 1-5; Luk 9: 46-48)

³³ Eme raku Kafanaum haeo fisimbij. Fisirâ ficko ferâ motecfâcne indin-joparâ muwec, "Hatao wemo wiacte muc manac embienŋ?" ³⁴ Indin-jopame mâc fâsâerâ ŋembij; ine jaŋe hatao nâŋâcnaonec mozi micne sâko jukac muhuc mu qaqatarac embij irec. ³⁵ Eme waha ŋehuc motec hefârec-jopafârerâ zinguc jazawec: "Moc e micne juzo murâ gâcne sasawa jaŋere râpeo juhuc kinŋaŋ qaqa-ŋenŋic ezejec." ³⁶ Iŋuc murâ motec piticne moc rorâ ŋondeg-ŋenŋicko râerâ menezî sabeckehuc jazawec, ³⁷ "Moc e motec keczingucne nore erâ mamac rau ecneocmu eki no mamac rau enareocmu. Â no mamac rau enareocmuzi no nahacne mâcne, sorecnuwec e mamac rau ecneocmu."

Sâqocnere suru jâinŋe dâŋ

(Mat 18: 6-9; Luk 9: 49-50)

³⁸ Eme Johanezi Jesu zinguc âzâcnewec: "Qaqazu, nâŋe ŋic moc gore zâŋe muhuc demonŋ jâpec-jopame honembeneŋ. Erâ nâŋâc mi bâjâpec-nâpokacte qataracnembeneŋ." ³⁹ Mume Jesuzi zinguc jazawec: "Mi qataracnezo. Moc e nore zâŋe muhuc mâsi baocmu, iŋucnezi wemocko afeckerâ musâqorecnuocmu. ⁴⁰ Giê-nâŋec mi hetâtieocmuzi âgo babafic-nâŋec eocmu. ⁴¹ No jâmbomac ŋazape: Ŋic moczi ŋoge Kristore ŋicfâc junggopienŋe opâ sawa fia gumec enareocmu, jaunŋ iŋucne mac i furimâc mi focmu.

⁴² "Moc e biŋefâc-nane picne jaŋeraonec mocjaha mac sâqoreocte suru jâinŋ ecneocmu, e buse sâko upenao qonaŋkerâ hâwecko sârockepie hume muzac, izi wiac aafecne fuacnekac ezac. ⁴³ Erâ megezi sâqocnere bitinŋko râecguzo eme hetâcnezemec. Go mefuru juku hârâcte zocsanaŋko huzicte sifu purinŋ erâ juju sanaŋko razizemec. [⁴⁴ Hârâcko umbenŋ-ŋenŋic mi hâmoocmu â zoc mi hâpoocmu.] ⁴⁵ Me kikegezi sâqocnere bitinŋko râecguzo eme hetâcnezemec. Go kike furu juku hârâcko huzicte sifu purinŋ erâ juju sanaŋko razizemec. [⁴⁶ Hârâcko umbenŋ-ŋenŋic mi hâmoocmu â zoc mi hâpoocmu.] ⁴⁷ Me zâŋegezi sâqocnere bitinŋko râecguzo eme ripozemec. Go zâŋe furu

9:30 Joh 7:1 9:31 Mar 8:31; 10:32-34 9:32 Luk 9:45; 18:34 9:33 Mat 17:24 9:35 Mar 10:44
 9:36 Mar 10:16 9:37 Mat 10:40; Joh 13:20 9:38 3ar 11:27, 28 9:39 Kor I, 12:3 9:40 Mat 12:30
 9:41 Mat 10:42 9:43 Mat 5:30 9:47 Mat 5:29

juku hârâcko huziete sifu zâne fîngic erâ Anuture uucmanjo razizemec.
⁴⁸ Hârâcko umben-jenig mi hâmoocmu â zoc mi hâpoocmu. ⁴⁹ Ŋic mâmâc
 sasawa zoczi hâwec i ruâ-jarezo. ⁵⁰ Hâwec e wiac biagne. Izi nonocne eme
 ine weniguc ecnepie hâtânere tâpîri mocwâc fuaocmu? Ŋonge hâwechec
 junzepien erâ wama qaqac ehuc junzepien.”

Ŋokac bebehere dâŋ

(Mat 19: 1-9)

10 Jesu e irecnec wahaku Juđala mârenjo Jordanj ocnigucnao fisiwec.
 Ira juhame ŋic hâhâwicne jâmbâŋ netararâ mocwâc fisimbiŋ. Eme
 ejujec ŋuc harierâ miti jaza qazuc ewec. ² Ehamerâ farisaio jaŋe wiocnerâ
 mumbiŋ, “Ŋic moczi ŋonân-ticne beheme sâckeocmu me mâcne?” ³ I mâc
 esâickehuc mupie okacne zinguc wio-jarewec: “Mose e irec dâŋ weniguc
 mufua-garewec?” ⁴ Eme jaŋe mumbiŋ, “Ŋonân moc behezo murâ pasi
 râcnehuc sozezo. Mose e irec mana-nârewec.” ⁵ Mupie Jesuzi zinguc
 jazawec: “Mose e maŋsan-ŋenigte erâ sâcmutâc dâŋ i qârenke-garewec.
⁶ Erâ fufunkenao Anutuzi ŋic bâfuac-jopaocne ŋic â ŋokac râec-jofawec.
⁷ Eme irec hâcne ŋic moczi nengoc mamac jahec-ticne behech-jofarâ ŋonân-
 ticnerao qohotame ⁸ jahe maŋsahac mocjaha erâ junicmu. Dâŋ ŋuc
 fokacte jahe jajahec mâcne, jâhe mocjaha erâ jukopirec hâcne. ⁹ Anutuzi
 bâturec-jofawec i ŋiczi mi bârawiŋ-jofazo.”

¹⁰ Eme ficko fisirâ motec jaŋe Jesu irecteŋ mocwâc wiocnepie ¹¹ funje
 zinguc jazawec: “Ŋic moczi ŋonân-ticne beherâ moc baocmu, e ŋokac
 sahačko râec ecnehuc zuhuc bâtâcne kiŋsâko hureocmu. ¹² Â ŋokac moczi
 ŋowe-ticne beherâ moc baocmu, e ŋuc jaha zuzuhuc-jekic bâtâcnehuc
 kiŋsâko hureocmu.”

Jesuzi naru motec jambuŋ-jopawec

(Mat 19: 13-15; Luk 18: 15-17)

¹³ Eme ŋic ŋokac jaŋe qiefâc-jenig Jesurao amec-jopa rarâ mezi bâuac-
 -jopaocne mupie motec jaŋe hâhâwic hejarembiŋ. ¹⁴ Ŋuc epie Jesuzi
 maname sâqoreme zinguc jazawec: “Ŋonge behehapie qie jaŋe norao wareniŋ,
 aka mi hejareniŋ. Ŋucne jaŋe hâcne Anuture uucmaŋ biŋe qajarekicne.
¹⁵ Nô jâmbomac ŋazape: Moc e qie jaŋere sâc ehuc Anuture uucmaŋ mi
 biŋeckeocmu e maŋnao mi razioocmu.” ¹⁶ Ŋuc murâ totoc-jopahuc meticne
 qizec-jenicko râerâ jambuŋ-jopawec.

Ŋic mafa sâkohec moczi Jesu bâjâpeocne muwec

(Mat 19: 16-30; Luk 18: 18-30)

¹⁷ Jesu e mâreŋ i beherâ razo ehamerâ ŋic moczi gasackerâ Jesurao fisirâ
 maŋfurnao fodapehuc wiocnewec, “Qaqazu biŋe, no weniguc erâ juju
 sanante biŋe epemu?” ¹⁸ Mume Jesuzi zinguc âzâcnewec: “Biagne wemocne
 munarekomec? Biagne rune Anutu mocjaha. ¹⁹ Erâ go sâcmutâc dâŋ mana-

ekic, kecziñuc: Go zika mi qazemec, ñowe ñonân ñohe bebehec mi eze-pirec, go fluc mi rozemec, go micko âkec-mi ezemec, go ñic wiac kânggâc mi jowac rozemec, go nengoc mamac jahecge sâsec-jofazemec.” ²⁰ ñuc muhuc âzâcneme ñic e muwec, “Qaqazu, no i sasawa qie-naneonectear renke warehuc juekopac.” ²¹ Eme Jesuzi honerâ ere ecneme âzâcnewec, “Mocjaha fokac, i ezemec, go rarâ moneñ mafa wiacge ñic hapetac qikiñe-jarezemec. Eme sambânko boreñ zegañ fua-gareocmu. Erâ ware bâjâpecnuzemec.” ²² Jesuzi ñuc muhuc âzâcneme ñic e bune sâqoreme mana gemâckerâ rawec, e moneñ mafa qâfõñe focnewec irec.

²³ Rame Jesuzi fotikierâ motecfâcne honec-jopahuc jazawec, “Moneñ mafa sâkoheczi Anuture uucmañko razinĩte ququñkenehec eekac.” ²⁴ Eme motec jañe dân i manarâ fâfârepie harierâ jazawec, “Motecfâc-nane, Anuture uucmañko rarazi i wiac gemâcne. ²⁵ Kamelezi bunic hawecnao rarazi i wiac afecne, â moneñ mafa sâkoheczi Anuture uucmañko rarazi i wiac gemâcne.” ²⁶ ñuc mume manarâ weañkerâ mumbin, “Hâc, eme mozi Anuture uucmañko raziocmu?” ²⁷ Mupie Jesuzi honec-joparâ muwec, “I ñiczi eene mi fokac, erâ sifu Anutuzi wiac i me i hatane bâfuaocite mi quñkeocmu.”

Jesure erâ wiac qikiñnerâ okacne gemâcne rozo

²⁸ Petozi dân i manarâ Jesu zĩñuc âzâcnewec: “Manakic, nãñe wiac-nâñec sasawa râpecke-fârerâ go bâjâpecgumber.” ²⁹ Eme Jesuzi muwec, “No jâmbomac ñazape: Moc e fic hae, hahac qa, señ qo, nengoc mamac, naru motec, jufu mumuc nore erâ â Binebianñe erâ beheocmu, ³⁰ e okacne wiac qame hukicne jâmbân razime razi roocmu. Zira mârenko fic hae, hahac qa, señ qo, nengoc, naru motec, jufu mumuc wiac i fific gugurin faio okacne fuacneocmu, erâ juku zâhec damenko juju sanañ rauckeocmu. ³¹ Erâ ine bâbâni jañeraonec bocjahazi zâhec eniñmu â zâhec jañeraonec bocjahazi bâbâni eniñmu.”

Jesu e hâmoocite biñedân jazaha jahec â moc ewec

(Mat 20: 17-19; Luk 18: 31-34)

³² Jañe Jerusalem haeo fenĩte rambin. Ehuc Jesuzi bânñe-jarehuc irapec rame wareckembig. Â bâjâpec-jopambinzi hâwic sahac jumbin. Eme Jesuzi motecfâcne 12 mocbuc qâzuc-joparâ wiac fuacneocmu irec dân mufua-jarehuc zĩñuc muwec: ³³ “Manangopien, nânâc Jerusalem haeo fengopeneñ. Eme ira ñic Fâri Wátuñe e taha bapa micne â miti qaqazu jañere meo feme jañe hâmoocite qâpuc jañerao râeniñmu. ³⁴ Eme jañe mu âke sisic ecnehuc tâfeckerâ becsahac birĩñneheczi qa qâzâic ecnerâ qâhâmoniñmu. Eme zoañ jahec â moc eha mocwâc qârerâ fahareocmu.”

Fekicne jujure dân

(Mat 20: 20-28)

³⁵ Eme Zebedaiore motec jahec Jakobo â Johane jahe Jesurao rarâ mupic, “Qaqazu, nãñe wiac irec me irec numu-garepere enâctecmurâ

numukoperec.” ³⁸ Mupire wio-jactewec; “Weniguc enjactepere mukopirec?” ³⁷ Eme jahe mupic, “Go manatecne juku tâpîri huririgao nâhe gâjongao nigec â nigec gezeperec.” ³⁸ Mupire Jesuzi ziguc jasawec: “Ŋohe fugne kâuc bahuc iguc mukopirec. No opâ zazacne nâpemu i ŋohe sâcne nânicmu, â opâ fârone ruapemu i ŋohe sâcne ruanicmu me?” ³⁹ Mume jahe mupic, “Ea, sâcne enacmu.” Mupire Jesuzi ziguc jasawec: “Noni opâ nâpemu i ŋohe jâmbomac nânicmu, â opâ ruapemu i ŋohe ruanicmu wâc. ⁴⁰ Erâ gâjong-naneo ŋeŋe irec dâŋ mumu ine norao mi fokac, irec biŋe qajarekicne i jaŋe ŋeŋe ira ŋeniŋmu.”

⁴¹ Iguc epire motec gâcne jaŋe Jakobo â Johane mana-jactepie sâqorewec. ⁴² Eme Jesuzi hefârec-joparâ ziguc jazawec: “Mâreŋ nigwofuŋ jaŋe nig rauc-jopahuc kiŋaŋ qaqaŋâc-ŋeŋic bacjopa juenggopieŋ â fekicne jaŋe omane qâhuc-joparâ nigbomboŋ ejareenggopieŋ i manaenggopieŋ. ⁴³ Â ŋoŋerao ine iguc mi fuazejec. Ŋoŋeraonec moczi fekicne ezo murâ âgofâc-ticne jaŋere kiŋaŋ qaqa juzejec. ⁴⁴ Â ŋoŋeraonec moczi micne-ŋeŋic ezo murâ âgofâc-ticne jaŋere gie bapa nig juzejec. ⁴⁵ Wemocte? Nig Fâri Wâtugne e ŋoŋe kiŋaŋ qacneniŋte mi wahawec e jahac kiŋaŋ qaqa gie bahuc nig bocjaha kiwiric-ŋeŋic rora juju-ticne qikigneocte wahawec.”

Jesuzi Jeriko haoe nig tintuŋ moc zâŋe fifi bawec

(Mat 20: 29-34; Luk 18: 35-43)

⁴⁶ Jesu motecfâc jaŋe raku Jeriko haoe fisimbiŋ. Eme hae i fotâcnerâ rapie râpefuŋ-ŋeŋicko nig guru sâko mâmâc rambiŋ. Ehame hatamecko nig tintuŋ hapetac jâmbâŋ moc ŋewec, zâŋene Batimaio, Timaiore ŋokâ. ⁴⁷ Eme eki Jesu Nazarete haeonec ware rakac mupie manarâ fâfâcnehec wirahuc muwec, “Jesu, go Dawidire qâriczi nore mac buge sâqoreoc!” ⁴⁸ Boc wirame nig jaŋe niniŋkerâ ŋeocte mu hâhâwic ecnembiŋ. Eme eki dâŋŋeŋic mania takirehuc fotarjerâ wirawec, “Go Dawidire qâriczi nore mac buge sâqoreoc!” ⁴⁹ Wirakume Jesuzi manarâ hatao domahuc muwec, “Ecnepie wareoc.” Mume nig jaŋe tintuŋ wiracnehuc mumbiŋ, “Sahacge âke urueme fahare warec, hefârecgukac.” ⁵⁰ Eme tintuŋzi dâŋ i manarâ izia bilaŋke-ticne hetararâ furutuc herâ faharerâ Jesurao rawec. ⁵¹ Ra fisime ziguc muhuc wiochewec: “Wemo egarepemurâ mukic?” Eme tintuŋzi muwec, “Qaqazu-nane, no zâŋe fifihec epemurâ enarekac.” ⁵² Mume Jesuzi ziguc âzacnewec: “Go rac, mamânasingere bilaŋkecomec.” Muha izia zâŋe fifihec erâ Jesu bâjâperâ rawec.

Jesu e donggio Jerusalem haoe fewec

(Mat 21: 1-9; Luk 19: 29-38; Joh 12: 12-16)

11 Eme raku Jerusalem hae bâŋiqkezo ehuc Oliwa tikio Betefage â Betania hae ŋepicko fisimbiŋ. Ira fisirâ Jesuzi motec jajahec ² sorec-jofahuc muwec, “Hae raecko ŋekac ira ranic. Raferâ izia donggi motecne niŋgiŋko domakac i bâfuanicmu. Motecne i nigci fainao mi ŋekicne furune. Eme i bâfuârâ firuerâ bawarenig. ³ Firuepire nig moczi, wemocte rokopirec, mume ziguc muhuc âzacnenic: “Wofuŋ-nâheczi irec mukac, erâ biac

mocwâc râeme wareocmu.'” 4 Iguc muhuc jasame motec jahec rarâ dongi motecne ficmotâcko mai jaha ningiŋko domame bâfuarâ firuepic. 5 Firuepire ŋic domambiŋ jaŋe honec-jofarâ mumbiŋ, “Hâc, mozi mume rokopirec?” 6 Mupie Jesuzi dâŋ jasawec i jazapire manapie tarawec. 7 Eme Jesurao bararâ fainao ŋaqi-jenŋic râepie eki ferâ ŋewec. 8 Eme ŋic bocjahazi ŋaqi-jenŋic hatao rumacke rambiŋ â tucnezi gieonec zariŋ bazurâ râe rambiŋ. 9 Eme ŋic guru sâko rozâc bâzâŋiŋ ecnembŋi jaŋe kecziŋuc muhuc ofac hecnembŋi: “Ohec, Wofunŋe micte ware-nârekomec go mumbiangunaj. 10 Apa-nâŋec Dawidi ere guriŋ bapa risie-nârekacte zerienaj. Ohec, Anutu fâlc sambâŋko.”

11 Iguc ecnehapie Jerusalem haec fe fisirâ Jesuzi taha ufunŋko raziwec. Razirâ wiac sasawa hone manac efârerâ hae biac owâeme waharâ motec-fâc-ticne 12 rocjopame Betania haec fembiŋ.

Jâmbô jâcnezi Jesure micte ururuckewec

(Mat 21: 18-19)

12 Hae fureme jaŋehēc. Betania haeconec wahahuc Jesu nânâre hâmowec. 13 Ehuc fime rame jâmbô jâcne moc rehacnehec honerâ fârine ŋekac muhuc ra basawec: Fârine fufua damen mi maickewecte rehacne sawa domawec. 14 Iguc honerâ jâc ziŋuc âzâcnewec: “Gorâonec fârine nânâ i ŋic moczi mocwâc mi nâjâmbâŋkezejec.” Eme dâŋ i motecfâcne jaŋe manambiŋ.

Jesu e taha ufunŋ furu muwec

(Mat 21: 12-17; Luk 19: 45-48; Joh 2: 13-22)

15 Eme Jerusalem haec fembiŋ. Eme Jesuzi taha ufunŋko ferâ ŋic ira wiac naren gareŋ ehuc domambiŋ jaŋe jâpec-joparâ monen katapa-jenŋic â hapâ ŋeŋe herândiŋkewec. 16 Erâ taha ufunŋko wiac igucne moc ba rac warec mi eniŋte muac-jopawec. 17 Iguc ejarerâ dâŋ ziŋuc jazawec: “Dâŋqâren kecziŋuc fokac: Ficnane i mâren sâc ŋic jaŋere nunumu fic ezejec. Ŋoŋe ine epie fiuc sindaŋhec jaŋere qânâŋ tinac ekac.” 18 Iguc eme taha bapa micne â miti qaqazu jaŋe honerâ, weniguc erâ qapene ariŋtac ezejec muhuc nazaŋ gazan embiŋ. Erâ fugne ziŋucte ere hâwic-jopawec: Ŋic mâmâc sasawa miti-ticnere manapie bipine sâkohec ewec. 19 Eme Jesu â motecfâcne jaŋe hae owâeme sâc hae sâko beherâ rahuc jumbiŋ.

Wofunŋ manasiŋkehuc numuzo

(Mat 21: 20-22)

20 Hae fureme jâmbôjâc domawecko mocwâc ra fisirâ honembŋi: Jâc hâmo bâŋen erâ domawec. 21 Eme Petorozi honerâ Jesu dâŋ muwec i manasurâ âzâcnewec, “Qaqazu honec, jâmbô jâc sâweckemec e ururuckejec domakac.” 22 Mume Jesuzi ziŋuc jazawec: “Ŋoŋe Anutu manasiŋkehuc junzepien. 23 No jâmbomac gazape: Moc e tiki kecocni hockerâ hâwecko huc âzâcneocmu, ehuc mupe sananŋeocmu me mâcne, manjahec iguc mi erâ manapankehuc muocmu, i fârine fuaocmu. 24 Irec gazape mananiŋ-

11:9 Mi Mâ 118:25, 26 11:13 Luk 3:9; 13:6-9 11:14 Mar 11:20 11:15 Joh 2:14-16 11:17 Jes 57:7;
Jer 7:11 11:20 Mar 11:14 11:22 Joh 14:1 11:23 Mat 17:20; Luk 17:6 11:24 Mat 7:7; 13:20-21
Joh 14:13; 16:23

Ŋone wiac irec me irec manasurâ numuniŋmu, ine biac rɔŋgopenen muhuc mana zakiepie fua-ŋareocmu. ²⁵ Erâ numuzo murâ ɔic mocte kɔtofa bajun-gopienko behenzepien. Inuc epie sambân Mamac-ŋenicz iɔuc jaha ɔonere kɔtofa beheocmu. [²⁶ Me ɔone ɔic janere kɔtofa bajupie sambân Mamac-ŋeniczi inuc jaha ɔonere kɔtofa bajuocmu.]”

Jesu â micne bapa jaŋe eesâic embiŋ

(Mat 21: 23-27; Luk 20: 1-8)

²⁷ Jesu motecfâc jaŋe mocwâc Jerusalem hao risiemiŋ. Risiêrâ Jesuzi taha ufunko ferâ juhame taha bapa micne â miti qaqazu â sonaŋ erao fisirâ ²⁸ indinêrâ mumiŋ, “Gô zira wiac eekic i more micte eekomec? Mozi inuc ecmurâ mugareme eekomec?” ²⁹ Esâickepie dâŋ zɔnuc bâtikie-jarewec: “No dâŋ mocjaha sawa wio-ŋarepe nazapie noni inuc jaha more micte wiac eekopac i okacne ɔazapemu. ³⁰ Johane Miti Opâ gie-ticne i wenirec fuawec, sambânkonec me ɔickonec? Mupie manape.” ³¹ Inuc jazame janackoaŋ zɔnuc muhuc nazaŋ gazaŋ embiŋ: “Nânâc sambânkonec fuawec inuc mupene muocmu ‘Hâc, eme wemocte dâŋticne mi mana zakiemiŋ?’ ³² Me ɔickonec fuawec inuc moc munaŋ?” Erâ inuc muniŋe ɔic janere hâwic-jopawec. Jaŋe zengoma Johanere manapie porofete jâmbân ewec. ³³ Eme Jesu zɔnuc âzâcnemiŋ: “Nâŋe mi manangopenen.” Mupie Jesuzi zɔnuc jazawec: “Wiac murâ sâcne, eme noni inuc jaha more micte zira wiac eekopac okacne wâc mi ɔazapemu.”

Waiŋ gie sonaŋ sâqocne

(Mat. 21:33-46; Luk 20:9-19)

12 Jesu e funêrâ dâŋ sunsunne moc kecziŋuc jazawec: “Ŋic moczi mârenj mocko waiŋ saraku sara-fârêrâ sac hafewec. Erâ waiŋ bâbâ-pisic toma bâ akic êrâ sonaŋ janere fic barâ gie sasawa mejenickô râerâ mârenj mocko rawec. ² Jukuhamê fârine fufua damenj maickeme kinaŋ



Waiŋ giere sonaŋfic

motec-ticne moc fârine tucne roocte soreme ra fisime ³ sonaŋ jaŋe rorâ qa imac ecnerâ jâpepie metariŋ risiewec. ⁴ Risieme runezi kiŋaŋ motec moc soreme rame qizecne hefâuckerâ sopeckembiŋ. ⁵ Eme runezi harierâ kiŋaŋ motec moc soreme jaŋerao fisime qambiŋ. Qapie runezi ɲic bocjaha sorec-jopame ra fisipie sonaŋ jaŋe zika bâfuarâ gâcne zâpâ jopambiŋ â gâcne hâmocne jopambiŋ. ⁶ Eme mocjaha jucnewec, joroc ɲokâ-ticne hâcne, e zâhec ziŋuc muhuc sonaŋ jaŋerao sorewec: 'No nahacne ɲokâ araŋ bacnehuc akickeniŋmu.' ⁷ Eme sonaŋ jaŋe ine ɲokâ-ticne honerâ nazaŋ gazaŋ erâ mumbiŋ, 'Eki hâcne juku gie rauckeocmu, ajoc, qanaŋ, eme gie zi nâhâcne ezejec.' ⁸ Iŋuc muhuc rorâ qâhâmorâ qâŋqâŋ-ticne gie sahacnao behepie huwec." ⁹ "Eme gie rune e weniguc eocmu? E fisirâ sonaŋ i jopa qâhâmoc ejarerâ gie-ticnao sonaŋ biagne moc râec-jopaocmu. ¹⁰ Miti papiao dâŋ kecziŋuc fokac i wose manac mi eengopieŋ me?

'Ficbapa ɲic jaŋe wâtuŋ surehec behembiŋ,
wâtuŋ izi mi jâmâ wâtuŋ ezejec i!

¹¹ Wiac i Wofunŋe michte iŋuc fuame
ɲiczi honepene mâsi furune ekac."

¹² Jesuzi iŋuc jazame micne bapa jaŋe e kâpâcwârû baniŋte manasurâ ɲic jaŋere hâwic-jopame hata basambiŋ. Jaŋe ziŋuc mana tarambiŋ: Dâŋ i nâŋere mukac. Erâ roninŋte qunkehuc mâc beherâ rambiŋ.

ɲic jaŋe Jesu monenŋe esâickembiŋ

(Mat 22: 15-22; Luk 20: 20-26)

¹³ Judaŋic micne jaŋe farisaio ɲic gâcne â Herodere âgofâc tucne Jesu dâŋzi bitiŋ bacneninŋte sorec-jopambiŋ. ¹⁴ Sorec-jopapie Jesurao fisirâ ziŋuc âzâcnembiŋ: "Qaqazu, nâŋe gore fuŋne manaengopenenŋ, go dâŋburec mi ehuc jâmbomac jaha muekic, erâ fecicne fosâoc-jopahuc dâŋ mi muhasic-keekic, go fecicne wahakicne mâmâc sasawa Anûture hata sâcne nâzâ nâwotuc eekic. Irec mutec mananaŋ, Sisa^{*} takesi monenŋ râcnepene sâckeekac me mâcne, ¹⁵ râcnezo me mi râcnezo?" Iŋuc mupie Jesuzi burec-jerjicte fuŋne mana tararâ jazawec, "ɲoŋe wemocte dâŋzi bitiŋ banaren-gopienŋ? ɲoŋe siliwa monenŋ moc bâfuarâ nowatupie honepe." ¹⁶ Eme jaŋe moc râcnepie wio-jarerâ muwec, "Hawari â qârenŋ zi more me?" Eme jaŋe mumbiŋ, "Sisare". ¹⁷ Iŋuc mupie jazawec, "Murâ Sisare biŋe i Sisa râcnenzepienŋ â Anuture biŋe i Anutu râcnenzepienŋ." Iŋuc muhuc jazame jaŋe wareckembiŋ.

Hâmockonec fafaharere Jesu esâickembiŋ

(Mat 22: 23-33; Luk 20: 27-38)

¹⁸ Jaŋe rahapie sadukaio ɲic tucne fisimbiŋ. ɲic i jaŋe hâmockonec fafahare mi fokac iŋuc muhuc jumbiŋ. Jaŋe hâcne fisirâ mumbiŋ: ¹⁹ "Qaqazu, Mosezi kecziŋuc mu qârenŋ enârewec: 'ɲic moczi ɲokac rorâ qâric-ticne mi fuahame hâmomme qânezi hozec-ticne rorâ hahac-ticnere biŋe qâric bâfuazejec.' ²⁰ Eme hahac qa 7 jumbiŋ, ehuc mârâc hahac-jerjic ɲokac rorâ qâric tâmiric jurâ hâmowec. ²¹ Hâmomme qanezi hozec-ticne rorâ iŋuc

*Roma ɲicwofunŋe mukicne

jaha qâric tâmiric jurâ hâmom e qatîcne moczi hozec ijaha rowec. ²² Iguczi iguc hahac qa 7 jaŋe gokac ijaha rorâ qâric tâmiric hâmo-fârembig. Eme zâhecko hozec-jenig iguc jaha wâc hâmowec. ²³ Eme ɣic 7 jaŋe mâmâc sasawa gokac ijaha rombiŋte juku dameŋ sâkoo fahare-fârepie gokac e more ezokac?" ²⁴ Mupie Jesuzi zīguc jazawec: "Ŋoŋe dāŋ mana sifuckeeng-gopien, i mât mâtne, ɣoŋe miti papia â Anutu tâpîri-ticne kâuc baeng-gopien irec. ²⁵ Juku hâmockonec faharêrâ ɣic â gokac roroc mocwâc mi enzongopien. Jaŋe sambâŋ aŋelo igucne erâ mât junzongopien. ²⁶ Eme ɣoŋe hâmockonec fafaharere mungopienŋe ɣazape: Mose e jâcko zocbârūŋ fuame honerâ rame Anutuzi dāŋ âzâcnewec, bināŋ i wose manac eengopien me mâtne? Ine dāŋ kecziŋuc âzâcnewec: 'No Abraham â Isaka â Jakobo jaŋere Anutu.' ²⁷ Ine hâcne, e hâmokicne jaŋere Anutu mâtne, e qâricne juju jaŋere Anutu. Ŋoŋe ine dāŋ boc mana sifuckeengopien."

Jesu miti qizecne wiocnembig

(Mat 22: 34-40; Luk 20: 39-40; 10: 25-28)

²⁸ Eme Jesuhec mu bârisiec ehapie eki okacne musarickehuc bâtikie-jareme miti qaqazu jaŋeraonec moczi manarâ Jesu fuacnerâ zīguc wiocnewec: "Sâcmutâc dāŋ wenimoizi qizecne sâko?" ²⁹ Mume Jesuzi zīguc âzâcnewec: "Sâcmutâc dāŋ femicne zīguc fokac: 'Israe ɣicbureŋ ɣoŋe mananiŋ, Wofuŋ Anutu-nâŋec e Wofuŋ fârine mocjaha. ³⁰ Irece mange â qâqâtâcge â mamasasuge â tâpîrige i Wofuŋ Anutuge furu jaha qikig-necnetec fozejec.' ³¹ Erâ dāŋ âgone moc kecziŋuc fokac: 'Go gahacnere egareekac, sâc ijaha âgogere egarezejec.' Sâcmutâc dāŋ i jahere femicne moc mi fokac." ³² Iguc mume miti qaqazuzi dāŋ ijaha herisiecnehuc muwec, "Qaqazu, go dāŋ mutecne manape sâcke-hâmokac, Anutu e jâmbomac Wofuŋ fârine mocjaha, erâ e igucne moc mi jukac. ³³ Erâ e maŋ â mamasasu â tâpîri furu qikig-necnezo, â gahacnere egareekac irec sâc âgoge maŋjaŋe ecnezo, izi bâzi fugne fugne ririke siriccekac." ³⁴ Ŋic e iguc mume Jesuzi maname sâckeme zīguc âzâcnewec: "Go Anutûre uucmaŋ bâŋigkecomec." Eme dameŋ ira ɣic jaŋe Jesu wiocneniŋte manapie ɣemâckeme behembig.

Jesu e jahac Kristore esâic-jopawec

(Mat 22: 41-46; Luk 20: 41-44)

³⁵ Eme Jesu e taha ufūŋko ɣic miti jazahuc zīguc muhuc indiŋ-jopawec: "Kristo e Dawidire qâric, miti qaqazu jaŋe wenigucte iguc muenggopien?"

³⁶ Dawidi e jahac Tiri Mârozi ecneme zīguc muwec:

'Wofuŋzi nore Wofuŋ âzâcnewec,

Go ware fâre-naneo ɣehaŋtec

râsîfâcge kikegere rurumaŋko guruc-jopazepac.'

³⁷ Irece Dawidi e Wofuŋ-nane mucnewec, igucnezi weniguc erâ qâric-ticne ekac?" Jesu e miti iguc muhuc jazame ɣic guru sâko jaŋe maŋa aŋac embig.

Jesuzi miti qaqazu jaŋere uŋdāŋ muwec

(Mat 23: 1-36; Luk 11: 37-54; 20: 45-47)

³⁸ Eme Jesuzi miti muhuc dāŋ moc zīguc zuhuckerā jazawec: "Ŋoŋe miti qaqazu jaŋe bāec bajarenzēpieŋ. Jaŋe ŋaŋi zora rojuhuc hatao ŋic bāfuac-jopapie mu zeri ejarenihŋe maŋŋeŋic domaekac. ³⁹ Erā mitificko ā tutumaŋ ficko ŋicbomboŋ ŋeŋeoā micne ŋeniŋe muenggopieŋ. ⁴⁰ Igucnezi hozec jaŋere fic wiac kāŋgāc jowac roenggopieŋ, erā nunumu zorazi hehesic-ŋeŋic hefaceenggopieŋ. Ŋic i jaŋe juku okacne hāhāwicne ronzoŋgopieŋ."

Hozec moczi monē-ŋicne taha ufūŋko rāe-fārewec

(Luk 21:1-4)

⁴¹ Jesu e taha ufūŋko monē rārāe katapa irec ŋifecnao ŋehuc honehame ŋic jaŋe monē rāepie huwec. Ehuc mafanŋic bocjaha jaŋe fisirā monē ŋemācne rāepie huwec. ⁴² Ehamē hozec hapetac moczi fisirā toea bābāroŋ mocjaha mac moc rāewec. ⁴³ Eme Jesuzi i honerā motecfācne hefārec-joparā jazawec, "No jāmbomac ŋazape: Hozec hapetac kecizi monē rāekac, i gācne jaŋere sāc jāurukac. ⁴⁴ Gācne jaŋe nengocne sāko fojarehame tucne sawa rāembieŋ. Ā hozec e hapetaczi focnewec sāc rāe-fārērā māc jāmbāŋ jukac."

Jesu e fifisi damē-ŋicnere dāŋ muwec

(Mat 24; Luk 21:5-36)

13 Eme Jesuzi taha ufūŋkonec waha rame motecfācne jaŋeraonec moczi mu warec ehuc zīguc āzācnewec: "Qaqazu honec, ufūŋ aŋac baŋac biaŋ, qānā hāhāwicnezi basirickerā bakicne." ² Mume Jesuzi zīguc āzācnewec: "Damen zīguczia ufūŋ sāko mako ŋehame honeekic? Juku ine rāsi jaŋe heroc qāropiepie ŋetāc qātātiezokac." ³ Eme Jesu ā motecfācne Oliwa tikio ferā opā ocnigucnao ŋehapie ufūŋ e zīgucnao ŋewec. Ira ŋehuc Petorō, Jakobo, Johane ā Anderea jaŋe Jesu bucko wiocnerā mumbiŋ, ⁴ "Wiac mume i wezimucko fuazokac ā dāŋ i sanankezo eha sowi weni-ŋucne moc fuazokac?"

⁵ Eme Jesuzi dāŋ zīguc fuŋkerā jazawec: "Juku maŋ bāsifuc egaren-zipinŋe sawaŋ-ŋeŋic qahuc junzēpieŋ. ⁶ Ŋic bocjaha fuarā nore zāŋeo māc āke hotahuc munigmu 'No Kristo'. Iguc muhuc ŋic bocjaha maŋ bāsifuc ejarenigmu. ⁷ Erā zika fārīne ā ojowane fuame manarā maŋŋeŋic mi gāc-kezejeŋ. Wiac iŋucne hācne fuaocte mukicne, erā fuame sifu damē biac mi taraocmu. ⁸ Māreŋne māreŋne ŋic guru sāko guru pitic jaŋe rārāsi efārērā ra qa ware qa ehuc qaqac ranzoŋgopieŋ. Ehamē homē iŋuc jaha ra ba ware ba ezokac. Erā roroczi roroc fua razokac. Erā i māc gozi kikine sawa ezokac.

⁹ Ŋoŋe sawaŋ-ŋeŋic qahuc junzēpieŋ. Jaŋe dāŋko rāec-ŋopanigmu ā mitificko kācbinzi ŋopanigmu. Erā i sawa mācne, kīa ā ŋicwofuŋ jaŋerao wāc bacŋopa rapie jaŋere maio domahuc nore erā mumutanig gie banigmu. ¹⁰ Erā damē ine jāpec mi taraocmu, qanaŋ Biŋebiaŋ māreŋ sāc murapie haŋ baocte mukicne. ¹¹ Eme kia jaŋerao bacŋopa rapie dāŋ weniŋuc

munangmu muhuc mana mezac mi enzepien. Damen ira Mârozi manggenicko dâg râeocmu ijaha munzepien. Iguc ehuc dâg mupie nggere dâg mi eocmu, i Tiri Mârore dâg eocmu. ¹² Eme ngic jage wiac kecziuguc enigmu: Hahac moczi qaticne doc bame qanigmu â mamac moczi nokâ-ticne doc bame qanigmu â naru motec jage nengoc mamacfâc-jengic kisâ ejarehuc doc bacjopapie jopanigmu. ¹³ Eme zâge bige-nanere erâ ngic mâmac sasawa jage nggere manapie aaricnehec eocmu. Eme moc e miti pagnea barâ domakume Damen tarama rozo.

¹⁴ "Juku mamakâc qizecne sisipiric-ticnehec, mi dodomanao domazokac. (Doge dâg i aimug mac wose manac enzepien.) Iguc fuame honerâ Judaia mârenkonec ngiczi tiki mârenko wiserâ ranzepien. ¹⁵ Ehuc hae zoag joocmuzi ficman-ticnao risie ferâ mafa-ticne mi rozejec. ¹⁶ Â gîeo juocmuzi hao rarâ ngqi bilanke-ticne mi rozejec. ¹⁷ Jei, nokac kiweheczzi â susuoneheczzi ine weniguc enzongopien! ¹⁸ Doge Wofug numucnepie maname wiwise-ngenic hoemaŋko mi fuazejec. ¹⁹ Eme Damen ira bângengerâ weangic nânâ femicne sâko fuazokac, sâc igucne Anutuzi ngic bâfuac-jopaweckonec-teag mi fuawec â juku wâc mi fuazokac. ²⁰ Wofug e Damen i mi bâtâcnerne muzac, ngic moczi miti barâ jukume rorone i mi fua-jâmbângkezac. Bâwosâecfâc-ticne jagerê erâ ine Damen bâtâcnewec. ²¹ Eme 'Kristo' e zira nâgerao fuakac', 'Kristo' e ocna jagerao fuakac', dâg iguc mupie mi manan-zepien. ²² Damen ira Mesia burecne â porofete burecne fuarâ mâsi â wiac hâhâwicne bahuc ngic man bâsifuc ejarenigmu. Ehuc bâwosâecfâc-ticne jagerê man bâsifuckenigte gie sâko bânigmu wâc. Erâ jage man bâsifuc eejarene mi fokacte eipienigmu. ²³ Wiac i mi fuaha qanag ngzakopacte sawan-ngenic qahuc junzepien.

²⁴ "Eme bângengerâ weangic nânâ qazueha zoag gâpârezokac â mosa tata-macne arictac ezokac ²⁵ â bâpiŋ gâcne tararâ mârenko wahanzongopien. Ehame sambâg qiriŋ qame tâpirine nggorongezokac. ²⁶ Eme Ŋic Fâri Wâtugne e karorac faio gehuc quŋqasag bâric bâricnehec fisime jage hone zâirenzongopien. ²⁷ Ehuc aŋelo sorec-jopame jage bâwosâecfâc-ticne mâren ngfec â ngfec, faic â juwic, sambâg â mâren qanag-jekickonec qânusuc-jopanongopien.

²⁸ "Firindoaczi mâsi eekac irec manasuhuc fugne manan-zepien. E âric game honerâ muengopien 'Zoag Damen bemberkecac'. ²⁹ Eme Doge iguc jaha, ngzakopac wiac i fua-fâreme ziguc munzepien: 'E maic-nâpozo ehuc motâc râpeo domakac'. ³⁰ No-jâmbomac gazape: Mâren zirec rune mi sisi-rowe jufehuc juhapie wiac sasawa fua tarazokac. ³¹ Sambâg â mâren jahe sirowezokopirec, nore dâg ine mi sirowe-jâmbângkezokac. ³² Erâ Damen sâko irec zoag me aua ngic moczi mi manâ-jâmbângkecac, sambâgko aŋelo jage wâc mi manangopien, Ŋokâzi wâc mi manakac, Mamac e buc manakac.

³³ "Damen mi manangopiente manggeniczi rucjari bahuc numunzepien. ³⁴ Ŋic moezi ficgie-ticne beherâ mâren wiwicko raocte kinaŋ motecfâcne gie mutâcne-jarehuc wiac-ticne hone qâzuc enigte jazaocmu â sogag e rucgeren biagne juocte âzâcneocmu. ³⁵ Eme Doge iguc jaha rucgeren-ngenic

biagne bahuc junzepien. Ficrune e owâcne me gafe zânjnko me gafe furec hehec-jekicko me furicte fisiocmu mi managopienge mukopac iguc hâcne ehuc junzepien. ³⁶ Ñoge guñ fohapie ututun fisirâ bâfuac-ropazackohec. ³⁷ Erâ ñoge â gâcne sâko mâmâc zinguc ñazakopac: Manqâri jaha junzepien."

Jesu qaniñte mumockembiñ

(Mat 26: 1-5; Luk 22: 1-2; Joh 11: 45-53)

14 Goreñ sowa juhuc aakic homban ñeniñte dameñ Nengocgieo maickewec. Ehamé irec juwicnao Mituâcko taha bapa micne â miti qaqazu jañe Jesu sonsonko rorâ qaniñte dâñ mumockembiñ. ² Ehuc zinguc mumbiñ: "Hombankoa misac, ñic bân-jopapene zika kosa fuazackohec."

Ñokac moczi Jesu opâ âsu bian ruacnewec

(Mat 26: 6-13; Joh 12: 1-8)

³ Jesuzi Betania hæo Simoñ wicsanañ ecnewec ere ficko ferâ ñewec. Ira nânâ nâhuc ñehame ñokac moczi opâ âsu bian furi sâko kiruñnehec baferâ qizec-tichao furu jaha hesieme ruacnewec. ⁴ Ruacneme ñic ñembiñ jañerão-nec tucnezi mu takic erâ mumbiñ, "Wiac furi sâko wemocte sipirickekac? ⁵ Opâ âsu bian izi siliwa moner 300 kitâcneme ñic hapetac jarepene sâckezac me!" Iguc muhuc ñokac dâñ qeqqerñe ecnembiñ. ⁶ Mupie Jesuzi manarâ zinguc jazawec: "Ñoge ñokac e beheniñ, wemocte mumu hehec ecnengopien? Ñokac e jañ bacnume biankekac. ⁷ Ñic hapetac dameñ sâc ñogerao juhapie jañ bacjopazo murâ bacjopanzipien, noni ine ñogerao boc mi jupemu. ⁸ Ñokac e eesâc-ticne enarekak. No biac hâmope ducnu-ningmu, irec sahaç-nane qanañ mâzockekac. ⁹ No jâmbomac ñazape: Binebian mâreñe mâreñe mupie hañ baocmu sâc, ñokac keczi mâzoc-nukac ere manasuhuc bine-ticne mâmâc mupie hañ baocmu."

Juda e Jesu doc bajareocte jazawec

(Mat 26: 14-16; Luk 22: 3-6)

¹⁰ Eme motec jañere âgo moc zâñene Juda Karioto hæonec, eki taha bapa micne jañerão rarâ Jesu doc bajareocte mufua-jawewec. ¹¹ Iguc eme manarâ bujenic biankeme furine moner râcneniñte mumbiñ. Eme i manarâ Jesu kamierâ doc baocte hone jâjâpehuc juwec.

Jesu â motecfâcne aakic lama nâmbiñ

(Mat 26: 17-25; Luk 22: 7-13; Joh 13: 21-30)

¹² Goreñ sowa juhuc aakic lama hezu rikec ezore dameñ maickeme motec jañe Sekiqanâcko Jesu wiocnerâ mumbiñ, "Aakic lama fic wena riķe bâmoc egarenzepeney?" ¹³ Iguc mupie motec jajahec zinguc jasahuc sorec-jofawec: "Ñohe hæo ferâ ñic moc opâ râqâcheç bâfuarâ bâjâpenic, ¹⁴ erâ ficko feme ferâ fic rune zinguc âzâcnenic: 'Qaqazu e gore zinguc mukac, fic mañne wena motecfâc-nane jagehec aakic lama nanangmu?' ¹⁵ Iguc âzâcnepire fic mañne kâcqene moc ñeñe fofu wiac rumacke emasag ekicne i ñofatume ira

aakic lama rike bâmoc ezepirec.” ¹⁶ Eme motec jahec dân i renkerâ hæo raferâ Jesuzi muwec sâc i bâfuarâ aakic lama rike bâmoc epic. ¹⁷ Eme hæe gafeme e motecfâcne 12 jahehec fic maŋne ira fisimbiŋ. ¹⁸ Eme teboo nânâ nâhuc Jesuzi zinguc jazawec: “No jâmbomac ɣazape: Ɔɣɣeraonec moczi no doc bacnuocmu, nohec nânâ nâhuc ɣengopieŋ ɣɣeraonec moczi hâcne.” ¹⁹ Mume motec jaŋe bujeŋic sâqoreme buc buc wiocnehuc mumbiŋ, “Go nore wiac moc murâ?” ²⁰ Wiocnepie jazawec, “Motec 12 ɣɣeraonec moczi nohec poroŋ sicko âke uruckerâ nakac eki hâcne. ²¹ Ɔic Fâri Wâtugne e mitio hata muzâwecnekiecne ira razo ekac hâcne. Â Ɔic Fâri Wâtugne doc baocmu e ine, jei, okacne mo iŋucne roocmu! Ɔic e nengoc bumaŋkonec mi fuame muzac, afeckecnezac.”

Ɔafe Tiwâ gumec-jopawec

(Mat 26: 26-29; Luk 22: 15-20; Kor I, 11: 23-26)

²² Eme tiwâ nârâ Jesuzi poroŋ rorâ jambuŋkerâ motecfâcne zinguc muhuc jawewec: “Ro nânin, keczi fâri-nane.” ²³ Ɔuc murâ waiŋ râqâc rorâ dange murâ jareme mâmâc sasawa nâmbiŋ. ²⁴ Nahapie jazawec, “Ɔɣɣehec zâzâfic ezore socnane keci hâcne, i ɣic bocjaha ɣɣere erâ qikiŋnekiecne. ²⁵ No jâmbomac ɣazape: No waiŋ opâ mocwâc mi nânâ juku Anuture uucmaŋko waiŋ opâ fuŋmoc nâzokopac.”

Gezemane jufuo rambiŋ

(Mat 26: 30-46; Luk 22: 31-34, 40-46; Joh 13: 36-38)

²⁶ Eme gae herâ hæonec rahurâ ocniŋuc Oliwa tikiq fembiŋ. ²⁷ Fehuc-tecne Jesuzi zinguc jazawec: “Ɔɣɣe mâmâc sasawa miŋecgac nore manapie sâqoreocmu. Dânɣqâreŋ moc zinguc fokac i sanaŋkeocmu: ‘No soŋaŋ qape lama jaŋe siŋsaŋ qaniŋmu.’ ²⁸ Eme hâmockonec faharerâ ine Galilala mâreŋko rahuc bânîe-ɣarepemu.” ²⁹ Ɔuc mume Petozi zinguc âzâcnewec: “Jaŋe mâmâc sasawa gore manapie sâqoreocmu mecne, â no ine Ɔuc mi egarepemu.” ³⁰ Mume Jesuzi zinguc âzâcnewec: “No jâmbomac ɣazape: Miŋecgac ɣafeo qâqâczi jajahec mi dânɣha go jahec â moc mic bacnucmu.” ³¹ Mume Petozi qizec qarâ muwec, “Go gahacne guhuc no mâmâc nuzo mupie sifu mi mic bacgupemu.” Mume motec âgofâcne bafickerâ ijaha mufarembiŋ.

³² Eme raku jufu mocko fisimbiŋ, zâŋene Gezemane. Ira fisirâ motec zinguc jazawec: “Ɔɣɣe zira ɣehapie no ocna rarâ numupe.” ³³ Ɔuc murâ Petozi, Jakobo â Johane rocjopame rahuc hâhâwic fuŋkerâ me kike tatara ecnewec. ³⁴ Ɔuc ecneme jazarâ muwec, “Maŋnane hâhâtâweme hâhâmocne enarekac, irec ɣɣe zira ɣehuc nohec mâmâc maŋqâri juniŋ.” ³⁵ Ɔuc murâ ipec rarâ zâŋe maine mâreŋko hetutuckerâ zâic damen i Mamacnezi mâname eene eha riereocte numuwec. ³⁶ Ehuc zinguc muwec: “Mamac-nane, gô wiac moc mi bâipieekiczi mutec zâic guru keczi nowaruzejec. Erâ sifu nôre dân mâcne, gore dân sanaŋkezejec.” ³⁷ Ɔuc murâ risierâ guŋ fohapie honec-joparâ Petozi zinguc âzâcnewec: “Simon, go wemocte guŋ fokomec?

Go piticne qâricnè sâcne mi junzaj me? ³⁸ Eesâicko dockenzipinje manqârî juhuc numuniñ. Manzi afeckekac â sahaczi ine ñemâckekac." ³⁹ Iguc jazarâ mocwâc rarâ, mârâc numuwec ijaha numuwec. ⁴⁰ Numurâ risierâ guñ jaha fopie honec-jopawec. Jajne guñkonec fi qeruruc erâ wemocko afeckerâ dân moc âzâcnenzajin. ⁴¹ Eme mocwâc ra numurâ risiehame jahec â moc eme jazawec, "Ŋone guñ jaha fohuc fomanangopien me? Ƴi sâckekac. Ŋic Fârî Wâtugne e sâqocne bapa jajere meo feocte damejne maickekac. ⁴² Faha-
repie ranaj, docbapazi bâqinukac ine."

Râsi jajne Jesu rombin

(Mat 26: 47-56; Luk 22: 47-53; Joh 18: 2-11)

⁴³ Iguc jazahuc domahame izia motec âgo-jenji moc, Juda Karioto haeonec, eki râsi guru micne bajareme qenfâfâc jaha fisimbin. Taha bapa micne, miti qaqazu â sonaj jajne sorec-jopapie zika qaruc wiac barâ fisimbin. ⁴⁴ Docbapa eki ine madâñ qanañ Ƴiguc jazawec: "Muduckepe honerâ ine hâcne muhuc deñnea ro basanajkerâ barâ ranjepieg." ⁴⁵ Eme fisirâ izia Jesurao rarâ "O Qaqazu-nane" muhuc muduckewec. ⁴⁶ Iguc eme honerâ rorâ basanajkembin. ⁴⁷ Ehapie motec domambin jajeraonec moczi zika-ticne unuckerâ taha bapa sâkore kinaj motec qaocte hazecne qata-rawec. ⁴⁸ Eme Jesuzi Ƴiguc jazawec: "Ŋone nore manapie zika qaqâ eme zika qaruchec fisirâ rocngopien me? ⁴⁹ No Ƴoagne Ƴoagne taha ufugko ñic miti qazu-jarehuc juekopac, ehame ñone ira mi rocnumbin. Erâ sifu enarepie miti papiao nore dânqâreñ fokac i sanajkezejec." ⁵⁰ Eme mâmâc sasawa beherâ wise-fârembin. ⁵¹ Ehame ñicmotec moc qoruc qanqan-ticneheczi e bâjâpehame rombin. ⁵² Ropie qoruc hetârâ biuctac wisewec.

Jesu taha bapa sâkore ficko barambin

(Mat 26: 57-68; Luk 22: 54-55, 63-71; Joh 18: 12-16, 19-24)

⁵³ Jajne Jesu rorâ taha bapa sâkore ficko barambin. Ere ficko hâcne taha bapa micne â sonaj â miti qaqazu tumañne-fârembin. ⁵⁴ Eme Peto e taic taic bâjâpehuc taha bapa sâkore sacmanjo raziwec. Razirâ kinajñic jajere ñonderko ñehuc Ƴoc ruawec.

⁵⁵ Eme taha bapa micne â micne guru jajne gupe sioc bâfuarâ qorickehuc zikao râeninte mu basac ehuc ñembin. ⁵⁶ Eme ñic bocjahazi mu âke hotac dân mupie hatane guguru ewec. ⁵⁷ Mukupie ñic jahec maczi fuarâ dân burec kecjinuc mumbin; ⁵⁸ "Nâñe Ƴiguc mume manamben: 'No taha ufug mezi bapa keczi heropierâ Ƴoan jahec â moc eha mezi mi bapa mâc mupe fuaocmu.'" ⁵⁹ Erâ dân i mupie sisifucne ewec wâc. ⁶⁰ Ekupie taha bapa sâkozi faharerâ mai jaha domahuc Jesu indinjerâ muwec, "Go ñifecne mi mukic me? Ƴi jajne gore dân mungopien i manatec weniguc ekac?" ⁶¹ Mume Jesuzi micnao mi rohuc dânemâc domawec, Eme harierâ taha bapa sâkozi wiocnerâ muwec, "Go Kristo, muten bâten ecneengopener ere Ŋokâ me mâcne?" ⁶² Eme Jesuzi muwec, "Ine hâcne mukomec. Erâ moc jajape mananiñ: Juku Ŋic Fârî Wâtugne e tâpiri rune ere ñifecko domahuc sambante karorac faio fisime hone Ƴârenzongopien." ⁶³ Iguc mume taha

bapa sâkozi dân i maname gâpâreme ñaqi-ticne bâsuckehuc ñicfâc-ticne jazawec, "Dâñ wemocte mocwâc muzo? ⁶⁴E Anutu âkehockehuc sâcke-kacte manarâ weniguc mungopien?" Eme jage micne mic sâc musereckerâ mumbiñ, "E zikare biñe ekac." ⁶⁵Iñuc murâ gâcnezi tâfeckembîñ â gâcnezi zâñe maine bâsongkerâ mehuñgiñ qahuc mumbiñ, "Go porofete jukomecko fungege bataniñkec." Eme kiñaggiñ jage iñuc jaha rorâ me tatapezi qambiñ.

Petorozi Jesu mickewec

(Mat 26: 69-75; Luk 22: 56-62; Joh 18: 17, 25-27)

⁶⁶Eme Petoro e juwiç sacmañko juhame taha bapa sâkore kiñañ naru moczi fisiwec. ⁶⁷Fisirâ Petoro zoc ruahuc geña honerâ hone dendegnehuc âzâcnewec, "Go Nazarete, haeonec ñic Jesu ehec hâcne mâmâc juekopirec." ⁶⁸Mume Petorozi mickehuc muwec, "Go dân weniguc mukomec? Mutečne kâuc bakopac." Iñuc murâ motâcko huzo ehame qâqâczi dâñewec. ⁶⁹Ehame kiñañ naru e ira mocwâc bâfuarâ ñic domambiñ zîñuc jazawec: "Ñic keci e jañere guruonec." ⁷⁰Eme eki harierâ mic bawec. Eme dameñ mi zoraha ñic domambiñ jañe mocwâc âzâcnembîñ, "Â go jâmbomac jañerac-nec, go Galilaia ñic." ⁷¹Mupie e jahacne sahañ mu qaisoc ecneku Anuture maio mupañkerâ muwec, "Ñic zâñene mungopien e mi hone-jâmbânkeekopac." ⁷²Mume izia qâqâczi dâñeme jajahec ewec. Eme Jesuzi dân zîñuc âzâcnewec, "Qâqâczi jajahec mi dâñeña goki jahec â moc micnucmu", dân i manasurâ bune herickeme kio sâqorewec.

Jesu kiarao barâ rambiñ

(Mat 27: 1-2, 11-30; Luk 23: 1-25; Joh 18: 28 - 19:16)

15 Hae fure pârâckeme taha bapa micne â songañ â miti qaqazu erâ micne guru ñic sasawa jañe tumañnerâ Jesure dân mujomirembiñ. Mujomirepie ñic gâcnezi Jesu rorâ mene qarâ jowa rarâ kia Pilato erao râembîñ. ²Eme Pilatozi honerâ wiocnerâ muwec, "Judaniñ jañere ñicwofun go hâcne me?" Mume Jesuzi muwec, "Ine hâcne mukomec." ³Eme taha bapa micne jañe babafic erâ Jesu mâretet qorickehuc domambiñ. ⁴Iñuc epie Pilatozi Jesu wiocnerâ muwec, "Jañe gore dân ñemâcne mupie wemocte mana takirehuc iñuc me iñuc mi mukomec?" ⁵Mume micnao mi rohuc dâñemâc domâme Pilatozi wareckewec.

⁶Aakic hombañ sâc kia e Judaniñ jañe kâpâcwâru ñic moc zâñene mupie akickehuc firue-jare jujec. ⁷Eme dameñ ira ñic moc kâpâcwâru ficko gewec, zâñene Baraba. Eki ñic gâcne micne bajareme zika qahuc ñic moc qâhâmombîñ. Eme irec kâpâcwâru ficko mâmâc râec-jopambiñ. ⁸Eme ñicguru jañe Pilatore hae zongao tumañne-fârerâ hombañ sâc mupie ejare jujec iñuc ejareocte manasucnembîñ. ⁹Manasucnepie Pilatozi muwec, "Judaniñ ñoñere ñicwofun akicke-ñarepe manapie sâckeocmu me?" ¹⁰Taha bapa micne jañe Jesu mâc aaric manacnehuc erao râembîñ, i manahuc hâcne wio-jarewec. ¹¹Ñicguru sâko iñuc wio-jareme taha bapa micne jañe qañe-jopahuc mumbiñ, "Ñoñe mupie Baraba firue-ñarezejec." ¹²Eme Pilatozi harierâ wio-jarewec, "Iñuc mungopienko Judaniñ ñoñere ñicwofun

mucneengopien e wemo ecnepere mungopien?" ¹³ Wio-jareme musereckerâ mumbig, "E mariponko hâmooc!" ¹⁴ Mupie jazawec, "Wemo kînte?" Mume jage mic sâc owa ruruckerâ mumbig, "E mariponko hâmooc!" ¹⁵ Eme Pilatozi manjenic taraocte mana-jarerâ Baraba firue-jarewec. Â Jesu ine mume becsahac birighehczî qâzâickehapi mariponko hâmoocte qikighe-jarewec.

Jesu qa sâsâc ecnembinj

¹⁶ Eme momori jage Jesu fickonec bawaharâ ficrâpeo sacmanjo barazirâ momori gâcne ejarepie fisi-fârembinj. ¹⁷ Erâ momori naqi bâbâronj hecnepie huwec â muczârâzi hendij ba akic erâ mainao hecnepie huwec. ¹⁸ Iguc erâ ofac hecnehuc mumbig, "Ohec, Judajic janere njicwofun." ¹⁹ Dânj i âzâcnehuc bacqeqqenzi qizecnao qahuc tâfeckembinj. Erâ dienzi hecnerâ sâckehuc araj burec burec bacnembinj. ²⁰ Qa sâsâc iguc ecneku momori naqi heunuckehuc e jahacne naqi mocwâc hecnepie hume mariponko qanigte jowa rambinj.

Jesu mariponko qapie hâmowec

(Mat 27: 2-56; Luk 23: 26-49; Joh 19: 16-30)

²¹ Rahuc hatao njic moc bâfuambinj, zâjene Simonj, Kirene hae mârenjkonec, Alesande â Rufu jahere mamac. Eki hâcne gieonec wareme bâfuarâ zoqac ecnepie Jesure mariponj âsickeme barambinj. ²² Baraku mârenj moc zâjene Goligata, nâgâcne dângo utu siec, ira fisimbij. ²³ Ira fisirâ wainj â maj ninikec opâ bâsifuckerâ râcnepie qikignewec. ²⁴ Eme mariponko qambinj. Qapie domahame qaqi-ticnere qâsâi qapie kifuac-jopame sâc rorambinj. ²⁵ Jage 9 kilok ehame qambinj. ²⁶ Qarâ qizec botân-nao fugne-ticne ziguc qârengekembinj: "E Judajic janere njicwofun." ²⁷ Erâ zika qaqâ jajahec mâmâc mariponko jofarâ moc njifec â moc njifec iguc râec-jofambinj. [²⁸ Eme miti papiao dânj ziguc fokac i fario qawec: "E sâqocne bapa janere guruo râekicne".] ²⁹ Eme njic rac warêc embinj jage mufec murij ehuc sâke itic ecnerâ mumbig, "Oi, taha ufun heropierâ zoanj jahec â moc eha bâzickezo muekiczi ³⁰ sahacge gezickehuc mariponjkonec wahac me!" ³¹ Taha bapa micne â miti qaqazu jage iguc jaha nifepupu ecnerâ mumbig, "Njic gâcne bâpianj-jopaweczî e jahacne sahac gezicke-bipiekac. ³² E Kristo, Israe njic nâgâcne njicwofun jukacko mariponjkonec wahame honerâ dânticne manâ zakienzêpenenj." Njic jofakicne jahe bafic-jopahuc iguc jaha mu ruruc ecnepic.

³³ Juku 12 kilok eme dapâc fuarâ mârenj sâckerâ fohame 3 kilok ewec. ³⁴ 3 kilok ira Jesuzi wiwic jaha wirahuc muwec, "Eloi, Eloi, lama sabaktani?" Nâgâcne dângo: Anutu-nane, Anutu-nane, wemocte behecnukomec? ³⁵ Eme njic domambinj jageraonec gâcnezi manarâ mumbinj, "Keci mananij, Elia wâsickekac." ³⁶ Eme njic moczi bârunj gasacke rarâ hâwec sâmbinj moc winigao âke uruckerâ huti tofanoa bândegnerâ bâfegnerâ Jesu gymehuc âgofâcne jazawec, "Njone behehapi honenanj, Eliazi jâmbomac ware bata-roacmu me mâcne." ³⁷ Eme Jesu e mocwâc kâcne wirahuc hâmowec.



Roma momori soḡaḡ

³⁸ Hâmome taha ufunḡo qoruc ââketâc sâko i faic irec zâzâḡiḡ jaha tâcnerâ suckerâ waha tarawec. ³⁹ Emê momori soḡaḡ e mai jaha domahuc honehame hâmome muwec, "Ŋic keczi e jâmbomac Anuture Ŋokâ juwec."

⁴⁰ Ŋokac tucne jaḡe mâmâc taic domahuc wiac i hone manac embiḡ. Eme jaḡere ḡonderḡo Maria Madala haeonec â Maria Jakobo wârâḡne â Jose jahere nengoc â Salome jaḡe mâmâc domambiḡ. ⁴¹ Jaḡe Jesu Galilaia mâreḡko bâjâpehuc kiḡaḡ qacne jumbiḡ. Erâ jaḡe sawa mâcne, ḡokac ḡacne mâmâc Jesuhec Jerusalem haeo ware jumbiḡ.

Jesu duckembiḡ

(Mat 27: 57-61; Luk 23: 50-55; Joh 19: 38-42)

⁴² Sabata hombaḡte zaḡawie dameḡ, Nengocgieo hâcne hae owâeme Josefe Arimatia haeonec e warewec. ⁴³ E micne guru jaḡere kâcqene juweczi Anuture uucmaḡ fua tâcneocte maḡne domawec. Eki hâcne hâhâwic qamaserâ Pilatorao rarâ Jesu qâḡqâḡ-ticnere numucnewec. ⁴⁴ Eme Pilato eki jâmbomac biac hâmojec muhuc momori soḡaḡ ecneme fisime wiocnewec. ⁴⁵ Eme momori soḡaḡ eki biac qâḡqâḡ fuajec, iḡuc mume manarâ Josefe mutaracnewec. ⁴⁶ Eme Josefezi rarâ qoruc qanqan furine barâ Jesu qâḡqâḡ-ticne mariponkonec batararâ qoruczia râpâckewec. Râpâckerâ bararâ qânâ hânko hawec qâricne e jahacne zâḡerunḡ biḡe gufukicne ira râewec. Râerâ qânâ moc qârândiḡkeme motâc kibâzickewec. ⁴⁷ Maria Madala haeonec â Maria Josere nengoc jahe honehapire duckembiḡ.

Jesu faharewec

(Mat 28: 1-8; Luk 24: 1-12; Joh 20: 1-10)

16 Owâ ririnte sabata homban taraha Maria Madala haeonec â Maria Jakobore nengoc â Salome jaje Jesure qanqan ruacnenigte wokeman âsu bian â kânâ furine barâ bâmockembig. ²Erâ Sonda hae fufurecte rarâ zângerunگو fisihapie zoan wefuwec. ³Eme zângerun bâqinkehuc naza gazan erâ mumbig, “Zângerun motâckonec qânâ mozi qârândigke-nâreocmu?” ⁴Iguc murâ zâge fipie rame honembig: Qânâ e wiac sâkozi qârândigkekiecne fowec. ⁵Eme zângerun aag fome honerâ razirâ fâreopec njicmotec moc naqi zora qanqan rodomec honerâ mâretet fâfârembig. ⁶Eme zinguc jazawec: “Mi fâfârenig, nonge Jesu Nazarete rune mariponگو qakicne honenigte warengopie. E zira mi fokac, e faharejec; fofotacne zi honenig. ⁷Ŋoge rarâ motecfâc-ticne â Petoro jazani. E Galilaia mârenگو bânîe-gareocte jazawec ira rarâ honenigmu.” ⁸Mume gokac jaje hâwic-jopa sâqoreme qarac qarac qahuc zângerunkonec wefu gagasac jaha wiserâ rambig. Erâ manjenig gâckeme njic wemocko bige moc jazanzapi.

Jesuzi njic fua sipuac ejarewec

(Mat 28: 16-20; Luk 24: 13-49; Joh 20: 19-23)

[⁹Jesu e Sonda hae fufurecte faharerâ qanan Maria Madala haeonec mârâc demon 7 jâpecnewec e fuacnewec. ¹⁰Fuacneme rarâ funfunfâc-ticne ki busâqoc ehuc juhapi bige jazawec. ¹¹Eme jaje Jesu faharerâ gokac fuacnejec dâg i manapie fârimâc ewec. ¹²Eme njic jajahec hae mocko ranic-te rahapire hawarine bâtikierâ hatao fua-jactewec. ¹³Fua-jacteme ra gâcne jazapire iguc jaha manapie fârine mi ewec.

¹⁴Izi zâhec motecfâcne 11 tumagnerâ nânâ nâhuc gehapie fua-jarewec. Erâ fahareme honembigzi bigedân jazapie manjenig bâzickeme mi mana zakiembig irec mumu hehec ejarewec. ¹⁵Erâ zinguc jazawec: “Ŋoge mârenge mârenge rarâ njic jurangopie sâc Binebian jazanzepie. ¹⁶Mamanasigheç Miti Opâ ruaocmu e sambânge bige eocmu, mamanasig tâmiric e ine hârâcte bige eocmu. ¹⁷Mamanasigheç juniŋmu jaje tâpiri qikigne-jarepe fugne qaqa mâsi keczinguc bâfuanigmu: Nore zâge muhuc demon jâpe-jarenigmu, dâg marac furune munigmu, ¹⁸homa ba bâuac enigmu, opâ momori nâpie mi sipiric-jopaocmu, huchec janere qizecko mejenig râepie qiqic qaniŋmu.”

Jesuzi sambânگو fewec

(Luk 24: 50-53)

¹⁹Wofun Jesu e dâg iguc jaza mutâc efârerâ afeckehuc sambânگو fewec. Ira Anuture fâreo juhuc jukac. ²⁰Eme jaje ine rarâ hae mâren sâc miti-ticne murambig. Eham Wofunzi qâtec-joparâ mâsi bahuc dângenig dopecke basanan ewec.]